

光緒重修安徽通志

重修安徽通志卷九十七

武備志

兵制 四錄營

壽春鎮總兵

駐劄壽州統轄本標中右二營兼轄六安潁州泗州廬州亳州龍山六營歸巡撫節制歲支養

廉俸薪蔬菜燭炭心紅紙張及馬乾銀兩彙載中營

順治三年設壽春協副將分中左右三軍兼轄亳州泗州二營

隸江蘇狼山鎮舊額副將一員守備三員千總三員把總六員

馬戰兵二百四十名 內養廉兵四十六名 步戰兵四百八十名 內養廉兵一百四十

名守兵四百八十名 內養廉兵三十五名 官坐馬四十二匹戰

馬二百四十四匹四年裁馬戰兵二十名步戰兵四十名守兵四

十名馬二十四匹五年裁馬戰兵二十名步戰兵四十名守兵四

十名馬二十四匹康熙六年添馬戰兵四十名步戰兵一百一十

七名守兵八十名馬四十四匹裁步戰兵四十六名八年改步戰兵二百三十六名爲守兵十七年裁步戰兵五十九名十八年添守兵一十八名十九年添步戰兵二名二十年添步戰兵二名二十一年添步戰兵一百一十名二十二年裁馬戰兵四名步戰兵三十八名馬四匹二十四年裁馬戰兵一百一十名馬一百一十四匹二十五年添守兵二百九十七名二十六年裁馬戰兵四名守兵四十六名馬四匹三十五年裁守兵二十六名雍正三年裁守兵二十六名七年添設外委千把總六弁仍食馬戰兵糧十年改中軍守備爲都司僉書乾隆二年裁壽春協副將改設壽春鎮總兵官隸江南提督本鎮標下分中左右三營每營設遊擊一員守備一員千總二員把總四員以原設中軍都司改爲中軍遊擊兼管中營及城守事務增設左右營遊

擊各一員均駐壽州中營增設守備一員原設左軍守備改爲左營守備仍駐宿州右軍守備改爲右營守備仍駐鳳陽府於原設千總三員把總六員外增設千總三員把總六員分駐各汛每營各設兵六百名於原設各兵之外照舊制馬一步二守七之數添足一千八百名又添官坐馬四十匹戰馬五十八匹其六安廬州二營撥歸本鎮管轄十九年改左營遊擊爲都司移駐宿州卽以原防宿州之守備移駐壽州嘉慶八年安徽巡撫兼提督銜本鎮改歸巡撫統轄十一年江蘇徐州協改設總鎮撥標下右營遊擊爲徐州鎮標中軍遊擊本標右營改設都司又改標下原駐宿州左營都司爲宿州營都司隸徐州鎮其原駐壽州左營守備一員千總一員隨營移防徐宿交界要隘其兵丁二百五十四名仍留鎮標分派中右二營管轄內有額

外外委三弁一并留壽旋以原駐壽州左營守備改爲徐州鎮  
標遊擊中軍守備以原設壽州左營千總移駐宿州爲宿州營  
都司中軍千總十二年標下增設潁州營以池州營遊擊移駐  
潁州府同治八年裁撥潁州營額外一弁守兵九名爲本鎮中  
營額缺

### 中營

順治初爲壽春協中軍原設守備駐劄壽州雍正十年改設都  
司乾隆二年壽春協改設總鎮以原設中軍都司改爲中軍遊  
擊兼管中營及城守事務增設守備一員千總一員把總二員  
均駐壽州原額遊擊一員守備一員千總二員把總四員馬戰  
兵六十名內養廉兵一十六名步戰兵一百二十名內養廉兵四十八名守兵四百  
二十名內養廉兵一十八名官坐馬三十八匹戰馬六十四匹

八年裁守兵二十名四十七年添守兵六十四名武職改給養廉銀兩裁各官養廉名糧馬戰兵一十六名步戰兵四十八名守兵一十一名馬一十六匹四十八年添馬戰兵四十八名步戰兵一百二名守兵四十一名馬四十八匹裁公糧守兵一十八名嘉慶八年裁步戰兵一名守兵七名十一年添馬戰兵三十名步戰兵五十一名守兵七十一名馬三十四匹十二年添馬戰兵一名馬一匹同治六年裁撥右營守兵一名八年裁撥賴州營額外一弁守兵九名並為本營額缺今額設按員弁兵丁總一員外委把總一弁額外委十三弁哨官一弁守兵二十三名裁省馬兵三名步兵三名未詳

中軍遊擊一員

駐劄壽州

中軍守備一員

駐防壽州

千總二員

一駐壽州爐橋一駐霍邱縣

把總五員一駐壽州一駐壽州正陽汛一駐鳳臺縣一駐定遠縣一駐穎上縣

外委千總二弁一存營一駐霍邱縣葉家集

外委把總六弁一分防壽州一駐壽州瓦樓汛一駐鳳臺縣陶莊集一駐定遠縣

岱山

額外外委十四弁存營五弁一駐鳳臺縣顧家橋一駐鳳臺縣石頭埠一駐壽州朱家巷一駐壽州三覺寺

八里渠一駐穎上縣江口集一駐霍邱縣三劉集

馬戰兵一百二十一名內有外委千把總八弁額外步戰兵二

百二十一名復六十四名守兵五百八十三名復全官坐馬四十四匹兵

馬十六匹遊擊馬六匹守備馬戰馬一百二十一匹內有外委

馬二十匹把總七員共馬十四匹歲支養廉俸薪餉乾等銀一萬九千九百五十兩二錢

一分七釐內扣解司庫朋銀五百一十一兩六錢八分又廉俸

備乾銀一千三百二十五兩五錢五分小扣成減平銀四百二十一兩二錢一分七釐遇閏加

建川銀四十四兩一錢八分四釐有奇

兵米三千三百三十

石春夏二季動支本色秋冬二季支給折色

遇閏加米二百七十七石五斗小建

扣米九石二斗五升

是營防守壽州霍邱鳳臺定遠穎上五州縣地方

右營

順治初為壽春協右軍原設守備駐劄鳳陽府添裁兵數統歸

中軍乾隆二年壽春協改設總鎮增設右營遊擊一員駐劄壽

州以右軍守備改為右營守備仍駐鳳陽府原額遊擊一員守

備一員千總二員把總四員馬戰兵六十名

內養廉兵一十五名步戰兵

一百二十名

內養廉兵四十七名

守兵四百二十名

內養廉兵一十三名公糧兵一十八名

官坐馬二十二匹戰馬六十四匹十八年裁守兵一十名四十七

年添守兵二十五名武職改給養廉銀兩裁各官養廉名糧馬

戰兵一十五名步戰兵四十七名守兵一十三名馬一十五匹



四十八年添馬戰兵三十六名步戰兵六十八名守兵二十七

名馬三十六匹裁公糧守兵一十八名嘉慶八年裁撥把總一

員官坐馬二匹入亳州營駐阜陽縣驛口橋汛又裁步戰兵一

名守兵七名十一年江蘇徐州協改設總鎮撥遊擊為徐州鎮

標中軍遊擊本營改設都司裁官坐馬二匹添馬戰兵二十一

名步戰兵三十四名守兵四十七名馬二十一匹十二年裁馬

戰兵一名馬一匹道光四年添設額外外委四弁仍食馬戰兵

糧同治六年裁撥守兵一名隸中營今額設按員弁兵丁內有

五弁額外外委十弁裁省馬兵八名步兵八名守兵七十一名未詳

都司一員駐壽州

中軍守備一員駐陽州

千總二員一駐防壽州一駐防懷遠縣

把總三員

一駐防鳳陽縣一分防五河縣

外委千總三弁

一駐防奇州一分防懷遠縣上

外委把總三弁

一分防鳳陽縣一分防鳳陽縣一分防鳳陽縣

額外外委十二弁

存營三弁一駐鳳陽縣城一分防鳳陽縣殷家湖

一分防鳳陽縣劉家集一分防鳳陽縣小茨汎一分防鳳陽縣徐家橋一分防鳳陽縣

哨官四弁

馬戰兵九十三名

內有外委千把總六弁額外步戰兵一百六

十名復五守兵三百九十九名

全復官坐馬十八匹都司馬四匹

千把總五員

戰馬九十三匹

內有外委額外哨官馬四匹 哨船三隻

歲支養廉俸薪餉乾等銀一萬二千八百一十二兩六錢九分

六釐

內扣解司庫朋銀三百五十九兩六錢四分又廉俸減

五錢五分小建扣銀三十一兩三錢八分四釐

兵米二千三百四十七石二斗春夏二

季動支本色秋冬二季支給折色 遇閏加米一百九十五石六斗小建扣米六石五斗二升

是營防守壽州鳳陽懷遠五河四州縣地方 壽州泃地墩堡五處鳳陽縣泃

地墩堡四處懷遠縣泃地墩堡

處五河縣泃地墩堡 處

乾隆元年兵部等部會 題議覆兩江總督趙宏恩請設鎮員

等事 疏 查江南省設有提督一員總兵二員提督駐劄松江

總兵駐劄崇明縣俱屬下江地方而安慶上江一省止有副將

原未設有總兵今該督趙宏恩既稱上江歷來未設一鎮營制

未符籌畫形勢見江北廬鳳嶺六泗一帶地廣差繁兵統轄

寡派撥調遣常至不敷壽壽六等營雖有下江之狼山總兵統轄

相屬寫遠壽壽等語應如所請壽壽營副將准其改設總兵標

增兵以壯聲勢等語應如所請壽壽營副將准其改設總兵標

下分中左右三營每營各設遊擊一員守備一員千總二員把

總四員每營各設兵六百名其原設中軍都司改為中軍遊擊

兼管中營并兼理城守事務添左右二營遊擊各一員均令駐

劄壽州添中營守備一員備防城池關廂原有左軍守備改為

左營守備仍駐劄宿州右軍守備改為右營守備仍駐劄鳳陽

應有千總三員把總六員再添千總三員把總六員分防各汛

以千把為汛遊擊為兼轄壽壽春總鎮為統轄所設兵丁除現

有兵一千四百十五名再添兵三百八十五名以足一千八百

名之數其六安廬州兩營撥歸壽鎮管轄六安營原防無為巢

熙二汛准其改歸廬州營管轄至壽春營副將既擬改設總兵

其現任副將于文輝應令赴部另補改設總兵員缺臣部照例

開列具題請旨補授其壽春協原設都司改爲中軍遊擊

擊一缺新添左右二營遊擊二缺中營守備一缺俱非應行題

補之缺歸部照例銓補各營應添干把兵丁行令該督揀選拔

補募補報部再查總兵官例有王命族牌應交與工部須給坐

俟勅書命下之日將王命族牌應交與工部須給坐名勅書

設總兵關防并中軍遊擊關防令該督擬定字樣具題請給其新

近旨鑄給再該督又稱亳州與河南接壤商賈絡繹亦屬重地

百二十四名分防兩處亦有不敷請將亳州營都司改爲遊擊

添設中軍守備一員兵丁務足五百名之數除現兵三百二十

四名募足餘丁十二名外再加添兵一百六十四名并添千總

一員把總二員帶兵分防以資約束又廬州營地當孔道差使

殷策設有都司一員把總一員兵丁亦添足五百名之數除現兵二

再添千總一員把總一員兵丁亦添足五百名之數除現兵二

百五十四名應添兵二百四十六名等語查亳州廬州二營非  
係近邊沿海要缺各設都司千把兵丁分佈巡防應來並無不  
敷無庸改易大員增益弁兵致滋紛擾該督請將亳州營都司  
改設遊擊添設守備千總兵丁并廬州營添設千把兵丁之處  
均毋庸議至亳州營都司所轄之穎州一汛向係把總分防今  
穎州既改爲府治僅止把總恐不足以資彈壓應添設千總一

重修安敷直志卷九十七 武備志 兵制

員令其同原防把總駐劄穎州府防守風務仍聽亳州營都司兼轄又奏稱副將衙署改為總兵衙署都司衙署改為遊擊衙署其餘添設官兵應建衙署管房器械旗幟等項請動司庫存公銀兩製備等語應如該督所請准其將壽春營副將衙署改為總兵衙署都司衙署改為遊擊衙署其餘添設官兵應建衙署管房器械旗幟等項請動司庫存公銀兩製備仍令該督將改設添設衙署管房器械旗幟等項給製備仍令該督將改設添設衙署管房器械旗幟等項工料銀兩確估細數造報工部查核奉 旨依議

乾隆二年兵部咨開會議得安慶巡撫趙國麟疏稱云云查先

經原任兩江總督趙宏恩條奏上江一省歷來未設一鎮似與

營制未符請將壽春營副將改為總兵中軍都司改為中軍遊

擊添左右二營遊擊各一員中營添守備一員再添千總三員

把總六員添兵三百八十五名經兵部議覆准行并議於亳州

營添設千總一員在案今該撫趙國麟疏內改設總兵添設員

弁兵丁數目俱與原議相符至所添兵丁三百八十五名內該

撫既照舊制馬一步二守七添設馬兵五十八名步兵一百八

名守兵二百一十九名應准其照數添設造冊報部其壽春營添改各官并亳州營添設千總騎坐例馬除舊設外亦應准其照數添設官坐馬四十二匹營馬五十八匹所有冊報應需乾隆二年夏秋冬三季連閏俸薪餉乾銀七千五百五十八兩一錢一釐四毫零改折米八百八石五斗每石折銀八錢共折銀六百四十六兩八錢乾隆戊午年春季俸餉米折銀二千四百九十一兩九錢五分四毫零應令該撫在於乾隆二年解司地丁銀內動給造報奏銷并將原估副將都司等員俸餉餘賸銀兩及今設各員弁未到任兵丁未召募之前各俸餉銀兩統歸截曠均造入該年兵馬錢糧奏銷案內報部查核又疏稱壽春營添設營馬五十八匹亦須購買每匹部價銀一十三兩九錢七分共銀八百一十兩二錢六分請於乾隆二年地丁銀內撥

給購買差操等語查應購添設營馬五十八四每馬價銀一十三兩九錢七分共銀八百一十兩二錢六分亦與該省定價相符行令該撫亦於該年地丁銀內動給造入朋馬奏銷案內題報兵部查核又疏稱統鎮應支俸乾等銀移查蘇鎮標營每年照銜食俸其薪銀一百四十四兩蔬菜燭炭銀一百四十兩心紅紙張銀一百六十兩坐馬十六匹隨丁六十分內馬戰兵二十分步戰兵四十分今壽春總兵官吳進義係署都督僉事銜俸銀每年應支銀六十七兩五錢七分六釐其餘俱照蘇鎮標營額數造報等語查武職係照銜食俸壽春總兵官吳進義原係署都督僉事銜應照銜每年支食俸銀六十七兩五錢七分六釐其薪銀蔬菜燭炭心紅紙張并坐馬隨糧俱照蘇鎮標營之例支給報明戶部查核奉

旨依議

嘉慶十一年兵部 奏准議覆兩江總督鐵保疏略鎮標右營

遊擊堪以改撥徐州鎮為中營遊擊河標左營都司改為徐州  
 城守營都司同蕭營都司商州營都司均歸徐州鎮管轄等語  
 查徐州原設江南河標左營副將前經奏准改為江南徐州鎮  
 總兵井附近之江南蕭營都司原駐宿州之安徽壽春鎮標左  
 營都司歸徐州鎮管轄惟山東臺莊一營係隔省改撥壽春鎮  
 營都司於江南所轄另撥一營歸徐州鎮管轄今請將壽春鎮  
 標右營遊擊堪以改撥徐州鎮為中營遊擊安徽壽春鎮標右  
 司改為徐州城守營都司應如所請安徽壽春鎮標右營以符  
 准其改撥江南徐州鎮標中軍遊擊兼管中營以符體制原設  
 江南河標左營都司准其改為江南徐州城守營都司歸徐州  
 鎮管轄至改撥新設各營遊擊都司應令該督分晰繁簡題推  
 具題到日再行核議一壽春鎮標右營改設都司酌裁江甯  
 城守右營都司原管汛境歸併江甯城守左營都司其江甯城  
 守右營都司原管汛境歸併江甯城守左營都司兼管等語查  
 安徽壽春鎮標右營遊擊既改撥江甯城守左營都司兼管今  
 甯城守右營都司原管汛境歸併江甯城守左營都司兼管今  
 轄另撥一營原奏相符應如所請安徽壽春鎮標右營與淮江  
 設部司改撥江甯城守右營都司作為該鎮右營都司其原管  
 汛境准其併歸江甯城守左營都司管轄一壽春鎮標左營  
 原駐壽州守備一員千總一員兵丁二百五十四名今將守備

重修

兵制

兵制



千總隨營移防徐宿交界要隘其兵丁二百五十四名緣壽春  
 鎮存營兵單請即留壽應再於督漕標及安徽撫標各營共抽  
 兵二百五十四名移添宿州營交守備千總帶領駐防留壽兵  
 內原有額外三員一併留壽同兵分派壽春鎮標中右二營管  
 轄宿州營添兵二百五十四名內亦請於馬兵內挑拔額外三  
 員以資管束等語查安徽壽春鎮標左營原駐宿州都司既經  
 改歸江南徐州鎮總兵管轄其駐劄壽春鎮標左營守備一員  
 千總一員自應准其隨營移防徐宿交界要隘以資防守併准  
 於馬兵內挑拔額外三員以資管束其兵丁二百五十四名既  
 據聲稱壽春鎮存營兵單應准其留於壽春鎮分派中右二營  
 管轄其留壽春兵內有額外三員准其一併留壽併准其再於  
 督漕標及安徽撫標各營共抽兵二百五十四名移添宿州營  
 至該營守備千總分隸何營專轄統轄之處應令該督聲明報部查核

嘉慶十二年兵部議奏會議得安徽巡撫兼提督銜初彭齡疏  
 稱案准兵部咨議覆兩江總督鐵保等奏請將池州營遊擊移  
 駐潁州原設池州營中軍守備改為都司所有增減細數及一  
 切章程另行具題應如該督等所奏辦理應俟具題到日再行  
 核辦等因當經檄行遵辦在案茲據布政使鄂雲布等移商壽

春徽州等鎮營會議具詳等情查兩江總督鐵保等奏安徽池州營遊擊移駐潁州其原設池州營中軍守備改爲都司一案經部覆准其增減細數及一切抽撥章程應俟具題到日再行核辦等因奏准在案今據安徽巡撫初彭齡分晰具題原疏內開一據稱云云等語查安徽池州營遊擊移駐潁州府城作爲壽春鎮標潁州營遊擊先經臣部覆准今該撫疏稱潁州府屬之蒙城地方須添設員弁俾與遊擊連絡應援請將原駐潁郡亳州營都司管轄之守備一員移駐蒙城作爲新設遊擊中軍管轄阜蒙等汛所有原駐蒙城宿州營把總外委卽裁歸該守備管轄再請將六安營茅草畝千總一員徽州營右軍欵縣汛把總一員移駐潁州隨同遊擊分領兵丁均屬因地制宜應如所請亳州營原駐潁郡守備一員准其移駐蒙城作爲潁州營

遊擊中軍守備原駐蒙城宿州營把總外委准其改歸該守備  
管轄六安營茅草畝千總一員徽州營歙縣汛把總一員准其  
抽撥移改潁州營隨同遊擊分領兵丁以資差操巡防至所遺  
茅草畝千總汛務卽將六安營城守汛把總移駐嵒防所遺六  
安州城守汛務卽令六安營中軍守備就近嵒防所遺歙縣汛  
務應令就近歸徽州營存營千總駐防亦應如所請辦理再查  
池州營遊擊並中軍守備均係部推之缺今遊擊移駐潁州其  
原設池州營中軍守備改爲池州營都司經臣部議准其原任  
池州營遊擊亳州營分駐潁州守備該員等能否勝任新營並  
池州營中軍裁缺守備應照例另補該撫疏內均未聲明應令  
該撫等查核分別辦理報部至新設池州營都司前經該督等  
奏稱地方民俗較馴所有新設池州營都司一缺臣部擬請仍

作部推之缺恭候

命下照例歸入月分推補以重職守所有裁移將備弁員應令該撫等分晰營汛司哨造冊報部備案至應頒傳

敕並應換劄付亦令該撫等查明咨部辦理一據稱新設遊擊關防應請照部行擬爲安徽壽春鎮標潁州營遊擊關防池州營守備改爲都司應請擬爲安徽池州營都司關防等字樣並兼寫清漢移咨禮部鑄給至稱移駐蒙城守備應請擬爲安徽潁州營中軍守備關防查向例武職有經管兵馬錢糧之責始准鑄給關防今該守備並非專營例應由司刊給鈐記該撫擬請頒用關防之處疏內並未聲明是否經管錢糧應令該撫等查明報部再行核辦至于把總外委應換鈐記照例由司刊給以昭信守仍造冊報部備查一據稱云云等語查潁蒙二處旣添遊擊

守備等官自應添兵駐守今該撫請於潁郡添兵一百十五名  
蒙城添兵一百十五名所添之兵卽於池州營裁撥兵六十名  
徽州營裁撥兵八十名甯國營裁撥兵四十名六安營裁撥兵  
十五名廣德營裁撥兵二十名撫標左營裁撥兵九名右營裁  
撥兵六名分添潁蒙兩處並請於嘉慶十二年正月初一日爲  
始飭令各營按數裁撥遇有缺出隨時移咨潁蒙兩處就近按  
照募補毋庸添蓋兵房等語均應如所題辦理一據稱云云等  
語查地方營汛籌簡今昔異宜自應隨時抽撥移駐以收實效  
今該撫旣稱闕曠集三河尖二處地方均屬緊要應如所請三  
覺寺汛外委一員帶駐壽兵三十名准其移撥闕曠曠集作爲鳳  
臺縣汛把總協防安樂集外委一員准其移撥三河尖該處原  
有兵丁六名准其在於壽春中營抽撥十四名其兵二十名隨

司外委巡防作爲霍邱汛千總協防均歸壽春鎮標中營遊擊兼轄仍令該撫造入季報冊內報部查核至三覺寺汛原設兵丁六名派撥本營額外外委一員駐彼巡防並壽春右營額外外委四員內抽撥一員駐劄安樂集汛帶領原設兵丁六名防守均應如該撫所請辦理其建德縣永豐巡檢准其裁移闕曠集駐劄歸鳳臺縣管轄歙縣王千巡檢准其移裁三河尖駐劄並巡查附近之臨水陳村等集歸於霍邱縣管轄至建德縣永豐巡檢歙縣王千巡檢原管地方緝捕准其各歸該二縣與史管轄所有未盡事宜統俟該撫等查明咨部再行辦理一據稱池州營遊擊改移潁州府駐劄所有原設貴池汛守備改爲池州營都司管轄貴池青陽銅陵石埭建德東流六縣地方以及兵馬錢糧等項所有該營千總作爲新設都司中軍仍令分防

青陽石埭二汛其原設貴池存城外委一員卽移駐貴池縣汛  
防守等語均應如該撫所請辦理一據稱云云等語查穎蒙等  
處添撥官兵應支養廉俸餉等銀除池州營守備改設都司應  
添銀款在於壽春鎮右營遊擊改都司截存俸廉內抵支其  
餘撥添官兵俱有原估銀款毋庸添給應令該撫轉飭俟裁募  
齊全移駐定案入額分營估撥造報至各兵應需春夏二季米  
折銀兩請將徽州府屬原估兵米按照各該縣時價變解司庫  
以爲穎蒙新兵上半年折色兵米之需餘贖報撥不敷由司撥  
足之處均應如該撫所題辦理仍令該撫將徽州府屬變解價  
值及有無餘贖每年專案造報戶部核辦所有秋冬二季本營  
兵糧應請就近於阜陽縣額徵漕米內撥給卽將安慶廣德池  
州甯國四屬所裁四季兵米搭運通倉併聲稱現在確查另案

詳奏應俟奏報到日再行核辦一據稱鳳臺縣之閱疇集霍邱縣之三河尖地方各移駐巡檢一員應有門子弓兵馬夫等項人役卽令該員等就近募充應支給官役俸工養廉等項銀兩卽將建德縣永豐巡檢歙縣王干巡檢各員下原編銀款照數解司以憑飭縣照例赴司撥給毋庸另籌動款等語查移駐巡檢及門子弓兵馬夫等項人役應支官役俸工養廉等項銀兩旣稱在於原編銀款撥給亦應如該撫所題辦理一據稱新設潁州營遊擊守備千把及移駐閱疇集三河尖二處巡檢等文武各官應行添建衙署如有舊署可以估變抵用者毋庸動項外如無舊署應行另建之處另行查明辦理等語查新設文武各官如無衙署應行建蓋者應俟該撫另行查明報部到日再行核議一據稱潁蒙兩處議添兵丁二百三十名例以十分之



一挑補馬糧計應撥馬二十三匹應請卽令撫徽等營於應領倒馬價銀內照裁馬兵之數存留價銀移知新設潁州營遊擊飭潁蒙兩處分別領買騎操各營指留毋庸買補其每年例報倒馬十分之三該撥倒馬七匹馬價銀兩並令撫徽等營於歲額扣存撥歸領買補額等語臣部核與十分之一應撥馬數相符應如該撫所題辦理其每年例報倒馬十分之三亦應如所題辦理仍令該撫將應撥馬匹價銀及買補馬匹日期並領騎兵丁姓名入於朋馬奏銷案內造報查核一據稱各兵應有隨營一切軍裝甲械帳房等項應請卽以裁兵各營將原製軍裝等項由該營逐細聲明原造原修年分造具清冊聽候潁州營委員赴領並令各營將收發細數造冊送司詳請咨部查考沿途須用人夫飭令有司撥應其例應兵丁自備者仍令新撥兵

丁自備歲需火藥鉛丸汎地燈油紙張等項撥歸新設潁州營造册報銷等語均應如該撫所請辦理一據稱安徽省各營內惟撫標參將係屬題調之缺此外皆係推缺近因宿蒙一帶民風强悍屢滋事端情形今昔不同營伍有關緊要仰蒙

定巡撫兼提督銜自應將緊要營缺酌請改題云云等語查潁州營遊擊亳州宿州各營都司均屬河南接壤向爲匪徒藏奸民風强悍潛山營遊擊係九省通衢巡查防守最關緊要徽州營參將界連江浙山深林密安徽省邊營重地泗州營都司洪湖私梟出沒巡緝非易安徽省並無題缺今該撫請將此六缺改爲在外揀員題補之缺係爲地方緊要慎重營缺起見自應如所請定爲題缺遇有缺出揀選熟諳地方諳練營伍之員在外題補以收人地相宜整飭兵防之效恭候

命下臣部載入例冊行文該督撫等遵照辦理嘉慶十二年五月十八

日題二十日奉

旨依議

六安營 舊隸江南提督嘉慶八年改歸巡撫統轄

順治二年設六安營守備康熙三年以廬州營參將移駐六安州兼轄廬州營以本營守備移駐廬州府屬江南狼山鎮十三年改設副將增設守備一員二十一年復改參將并裁守備一員舊額參將一員守備一員千總一員把總三員馬戰兵五十七名 內養廉兵十一名步戰兵一百三十四名 內養廉兵三十三名守兵四百五十三名 內養廉兵一十七名官坐馬二十四匹戰馬五十七匹二十五年添設千總一員把總一員官坐馬四匹又馬戰兵一十三名步戰兵六名守兵三十七名馬一十三匹二十六年裁馬戰

兵三名步戰兵六名守兵一十六名馬三匹三十五年裁步戰  
兵二十六名雍正二年裁步戰兵一名守兵八名五年裁步戰  
兵一名守兵五名七年添設外委千把總六弁仍食馬戰兵糧  
乾隆二年本營及廬州營均撥歸壽春鎮統轄以原防無爲巢  
縣二汛改歸廬州營管轄裁千總一員官坐馬二匹外委千總  
一弁馬一匹三年裁馬戰兵六名步戰兵一十一名守兵四十  
九名馬六匹又裁公糧守兵二名十八年添守兵四十九名二  
十七年添設額外外委二弁仍食馬戰兵糧四十七年添守兵  
三十三名武職改給養廉銀兩裁各官養廉名糧馬戰兵一十  
一名步戰兵三十三名守兵一十名馬一十一匹四十八年添  
步戰兵四十二名守兵一十八名裁公糧守兵一十五名嘉慶  
八年裁步戰兵一名守兵七名十二年裁撥茅草畝汛千總一

員官坐馬二匹移駐願州府又裁馬戰兵一名步戰兵三名守

兵一十一名馬一匹十八年裁馬戰兵二名步戰兵四名守兵

一十四名馬二匹道光五年添設額外委四弁仍食馬戰兵

糧今額設按員弁兵丁內有添設額外委一弁哨官二弁裁省馬兵二名步兵五名未詳

參將一員駐劄六安州

中軍守備一員駐劄六安州

把總四員駐防六安州一駐防霍山縣一駐防舒城縣一駐防英山縣

外委千總一弁協防六安州

外委把總四弁存營一弁一協防廬江縣一協防六安州一協防英山縣一協防六安州一協防六安州

額外委七弁存營一弁一協防六安州馬頭集汛一協防六安州一分防霍山縣一協防六安州

霍山縣包家河汛一協防舒城縣

哨官二弁協防舒城縣小河汛

馬戰兵四十五名內有外委干把總五弁額外步戰兵九十一

名復二十守兵四百三十二名全復官坐馬二十四步將馬八匹守備馬四匹

把總四員戰馬四十五匹內有外委額外歲支養廉俸薪餉乾

共馬八匹等銀一萬三百四十九兩四分四釐內扣解司庫朋銀二百七

扣成減平銀一百四十四兩六錢八分三釐遇開加餉乾銀七

百二十六兩七錢五分小建扣銀二十四兩二錢二分四釐有

兵米二千四十四石八斗春夏二季支給折色秋冬二季動

支本色遇開加米一百七十七石四斗

是營防守六安英山霍山舒城廬江五州縣地方六安州洪

處英山縣汛地墩堡八處霍山縣汛地墩堡三處

舒城縣汛地墩堡六處廬江縣汛地墩堡一處

廬州營舊隸江南提督嘉慶順治五年設參將康熙三年移駐六安州以六安營守備移駐

廬州府屬江蘇狼山鎮舊額守備一員把總一員馬戰兵二十

八江南志作七名內養廉兵步戰兵三十八名內養廉兵守兵一

百九十四名內養廉兵五名官坐馬六匹戰馬二十八江南志

匹雍正三年裁步戰兵二名五年裁守兵三名七年增設外委

把總一弁仍食馬戰兵糧十年改守備為都司僉書增設額外

外委一弁仍食馬戰兵糧乾隆二年本營撥歸壽春鎮統轄以

六安營所轄無為州巢縣二汛撥歸本營管轄添設千總一員

官坐馬二匹外委千總一弁仍食馬戰兵糧馬戰兵五名步戰

兵一十二名守兵五十名馬五匹十八年裁守兵六名四十七

年添守兵一十九名武職改給養廉銀兩裁各官養廉名糧馬

戰兵四名步戰兵一十二名守兵五名馬四匹四十八年裁公

糧守兵九名添步戰兵八名守兵四名嘉慶八年裁守兵三名

道光三年添設額外外委四弁仍食馬戰兵糧今額設按員弁

有添設哨官一弁  
省馬兵一名未詳

都司一員駐劄廬州府

中軍千總一員駐防無為州

把總一員駐防合肥縣

外委千總一弁協防巢縣

外委把總一弁協防合肥縣梁園鎮

額外外委五弁存營一弁一協防合肥縣三河鎮一協防無為州襄安鎮一協防巢縣柘臯汛一駐忠廟卡

哨官一弁駐劄河巡河陽

馬戰兵二十八名內有外委五弁如制馬兵未復步戰兵四十二

名復十守兵二百三十二名全復官坐馬八匹都司馬四匹千把總二員共馬四匹

戰馬二十八匹內有外委額七匹歲支養廉俸薪餉乾等銀五千

三百九十六兩九錢九分二釐內扣解司庫朋銀一百四十九兩五錢二分又廉俸成平銀四



十三兩八錢入分四釐遇閏加銀三百八十八兩八錢小建扣銀一十二兩九錢五分九釐有奇

兵米一千八十七石二斗遇閏加米九十石六斗小建扣米三十石二斗

是營防守合肥巢縣無為三州合肥縣汎地墩堡十七處巢縣汎地墩堡

處無為州汎地墩堡

穎州營壽春鎮統轄督撫兼轄

順治初穎州汎設把總分防壽州營管轄雍正十三年穎州

升為府乾隆元年添設千總一員三年裁千總改設守備仍屬

亳州營嘉慶十二年改池州營遊擊移駐穎州府為穎州營隸

壽春鎮以亳州營原駐穎州府守備移駐蒙城縣為穎州營遊

擊中軍守備管轄阜蒙等汎所有原駐蒙城縣宿州營把總外

委改歸守備管轄穎州府添兵一百一十五名蒙城縣添兵一

百一十五名改六安營茅草販千總徽州營歙縣汎把總移駐

潁州府原額遊擊一員守備一員千總一員把總四員外委千  
總一弁外委把總一弁額外外委五弁馬戰兵五十一名步戰  
兵一百六名守兵四百一十五名官坐馬二十四匹戰馬五十一  
匹道光三年添設艾亭集把總一員官坐馬二匹方家集銅陽  
城外委把總二弁劉興集苗家集楊橋集地里城迎仙集額外  
外委五弁阜陽蒙城哨官二弁俱食馬戰兵糧又添設馬戰兵  
一十四名步戰兵二十八名守兵九十八名馬一十四匹五年  
添設雙澗集額外外委一弁仍食馬戰兵糧十二年裁馬戰兵  
一名戰馬一匹步戰兵三名守兵十名十四年裁王市集把總  
一員坐馬二匹撥歸壽春中營以壽春中營白龍潭外委一弁  
戰馬一匹移駐王市集十六年裁艾亭集把總一員坐馬二匹  
添設右軍守備一員坐馬四匹又添設專汛外委一弁仍食馬

戰兵糧馬戰兵六名戰馬六匹步戰兵一十四名守兵四十一  
名又添設王化集外委把總一弁十八年添設姜寨集額外  
委一弁仍食馬戰兵糧十九年裁守兵一名八年裁撥阜陽之  
王市集歸新設龍山營管轄另設防兵原設王市集外委弁兵  
移駐阜陽之爐燉店又蒙城之西洋集雉河集撥歸新設渦陽  
縣新設龍山營管轄另設防兵原設西洋集外委移駐蒙城之  
棗木橋原設雉河集額外一弁守兵九名裁歸壽中營其阜陽  
之老觀港驛口橋艾亭方家集銅陽王化等汛撥歸新設右軍  
守備管轄其原設中軍守備改爲左軍守備仍管蒙城各汛並  
阜陽城守六十鋪爐燉店三汛今額設

遊擊一員

駐劄潁州府

守備二員

左軍一員駐劄蒙城縣右軍一員駐阜陽縣艾亭集

千總一員駐防阜陽縣

把總三員一駐防阜陽縣觀港汛一駐防阜陽縣口橋汛一駐防蒙城縣

外委千總一弁協防阜陽縣六十里鋪汛

外委把總六弁五弁駐防阜陽縣爐煨店艾亭集王化集銅陽城方家集等汛一弁協防蒙城縣東木橋汛

額外外委十一弁存營二弁六弁協防阜陽縣劉興集楊橋集迎仙店姜寨集地里城苗家集等汛一存艾

亭集一協防蒙城縣雙湖集汛一存蒙城縣

哨官二弁一駐阜陽縣一駐蒙城縣

馬戰兵七十名內有外委千把總七弁額外外委步戰兵一百一弁哨官二弁如制馬兵未復

四十五名復四十名守兵五百三十三名全復官坐馬二十二匹游擊

馬六匹守備二員其馬八匹戰馬七十四匹內有外委額外外委哨官馬二十匹如制餘未

後哨船二隻存理歲支養廉俸薪餉乾等銀一萬三千七百二十

九兩九錢四分八釐內扣解司庫朋銀三百七十九兩六錢八分又廉俸扣成減平銀一百五十兩六錢

八分五釐遇間加餉乾銀九百八十七兩  
一銀小建扣銀三十二兩九錢三釐有奇兵米二千六百九十

二石八斗春夏二季動支本色秋冬二季支給折色遇間加米二百二十

四石四斗小建扣米七石四斗八升

是營防守阜陽蒙城二縣地方阜陽縣汝地墩堡四處蒙城縣汝地墩堡五處

亳州營舊隸江南提督嘉慶八年改歸巡撫統轄

順治二年設亳州營守備屬江蘇狼山鎮舊額守備一員千總

一員把總二員馬戰兵四十六名內養廉兵一十二名步戰兵四十七名

守兵二百三十七名內養廉兵二十二名官坐馬十匹戰馬四

十六匹雍正二年裁步戰兵一名守兵二名五年裁守兵三名

七年添設外委千把總三弁仍食馬戰兵糧十年改守備為都

司僉書乾隆二年本營撥歸壽春鎮統轄於所轄之潁州汛增

設千總一員官坐馬二匹駐劄潁州府仍歸管轄三年裁駐劄

潁州之千總改設守備添官坐馬二匹又馬戰兵一十四名步  
戰兵一十四名守兵四十八名馬一十四匹十八年裁守兵七  
名二十七年添設額外公委一弁仍食馬戰兵糧四十七年添  
守兵一十五名武職改給養廉銀兩裁各官養廉名糧馬戰兵  
一十二名守兵二十二名馬一十二匹四十八年添步戰兵一  
十四名守兵七名裁公糧守兵一十一名嘉慶六年添馬戰兵  
二十二名步戰兵四十四名守兵一百五十四名馬二十二匹  
又添設額外公委三弁仍食馬戰兵糧八年添設潁州汛驛口  
橋把總一員官坐馬二匹步戰兵五名守兵三十五名十三年  
改所轄潁州汛爲潁州營以原駐潁州府守備移駐蒙城縣爲  
潁州營遊擊中軍守備裁把總二員官坐馬八匹外公委把總一  
弁額外公委二弁馬戰兵二十四名步戰兵五十四名守兵二

百七名馬二十四匹道光三年添設外委千把總二弁馬戰兵

三名步戰兵六名守兵二十一名馬三匹四年添設額外委

二弁哨官一弁俱食馬戰兵糧今額設按員弁兵丁內有添設

外委四弁裁省馬兵一名守兵三名未詳

都司一員駐劄亳州

中軍千總一員駐防亳州

把總一員駐防太和縣

外委千總三弁存營一弁一舊駐張村鋪今改駐亳州龍德寺

外委把總三弁一分防太和縣泥河口一駐亳州

額外外委八弁存營三弁一駐亳州宋家集一舊駐雒河集今

泥淺一分駐

哨官一弁駐渦河南岸哨船一隻冰兵十二名

渦陽縣城

馬戰兵四十七名內有外委千把總六弁額外外委步戰兵七

十一名復二十守兵二百六十二名全復官坐馬八匹都司馬四

二員共戰馬四十七匹內有外委額外外哨船一隻歲支養廉

俸薪餉乾等銀七千四十二兩三錢九分二釐內扣解司庫朋

二分又廉俸減平銀四十八兩二錢四釐遇閏加餉乾銀五百

兵米一千三百六十八石春夏二季動支本色秋冬二季支給

折色過閏加米一百一十四石小建扣米三百八斗

是營防守亳州太和縣地方亳州、泗地、墩堡、處太

龍山營新設壽州鎮統轄巡撫兼轄

舊為龍山汛隸宿州營設把總一員同治三年撥宿州亳州阜

陽縣蒙城縣地設渦陽縣龍山屬焉四年升龍山汛為營隸壽

春鎮標設遊擊一員左右軍守備二員八年設千總二員把總



四員外委千把總六弁額外外委十一弁哨官一弁馬兵八十名步戰兵一百六十名守兵五百六十名今額設

遊擊一員駐劄渦陽縣龍山

左軍守備一員駐劄渦陽縣龍山

右軍守備一員駐劄渦陽縣城

千總二員一存營一駐渦陽縣張村鋪汛

把總四員一駐防渦陽南山頭汛一駐防新與集汛一防渦陽城一駐防義門集

外委千總二弁一存營一駐阜陽縣王市集

外委把總四弁一駐防渦陽北山頭一駐曹市集一防渦陽縣城一駐西洋集

額外外委十一弁四弁存營三弁駐渦陽城一駐江家集一駐到家集一駐石弓山一駐花溝集

哨官一弁駐渦陽縣水汛

馬戰兵八十名內有外委千把總六弁額外外委十步戰兵一弁哨官一弁

百六十名內四十八名食守兵五百六十名復官坐馬二十六

匹遊擊馬六匹守備二員共馬八戰馬八十匹內有外委額外

匹八歲支養廉俸薪餉乾等銀一萬五千一十六兩三錢四分七

釐內扣解司庫朋銀四百一十五兩二錢又廉俸扣成減平銀

兩三錢小建扣銀三十兵米二千八百八十石遇閏加米二百

石木入

是營防守渦陽縣地方計五十墩堡

泗州營舊隸江南提督嘉慶八年改歸巡撫統轄現歸督標

康熙十一年設守備屬江蘇狼山鎮舊額守備一員千總一員

把總二員哨官二弁馬戰兵四十名內養廉步戰兵七十五名

內養廉兵一十五名守兵二百四十九名內養廉兵七名公糧兵九名官坐馬十四匹戰

馬四十四匹扒唬船四隻二十二年裁馬戰兵二名步戰守兵一

十三名馬二匹二十四年改馬戰兵三名為守兵裁馬三四二

十五年裁馬戰兵一名步戰守兵一十一名馬一匹三十五年

裁步戰兵七名雍正二年裁步戰兵一名守兵二名五年裁守

兵三名七年添設外委千把總三弁仍食馬戰兵糧十年改守

備為都司僉書乾隆二年本營撥歸壽春鎮統轄

壽州志壽春鎮兼轄無泗

營十八年裁守兵六名四十二年裁虹縣以泗州移治虹城以

泗盱千總移駐泗州以原駐虹縣把總移駐盱眙縣四十七年

添守兵二十四名武職改給養廉銀兩裁各官養廉名糧馬戰

兵四名步戰兵一十五名守兵七名馬四匹四十八年裁公糧

守兵九名嘉慶八年裁步戰兵一名守兵四名二十三年以額

外外委一弁駐防泗州碧山汛今額設

按員弁兵丁內有添設外委把總一弁額外

委三弁哨官二弁步兵一名守兵三名未詳

都司一員駐潁

中軍千總一員駐防

把總二員駐防

外委千總一弁協防

外委把總三弁協防

額外外委四弁協防

哨官四弁駐防

馬戰兵三十名內外委 步戰兵四十四名後

守兵二百三十二名全復 官坐馬十匹都司 戰馬

三十匹內外委 扒唬船四隻歲支 廉俸薪餉乾

等銀五千六百九十三兩三錢九分二釐內扣

分又廉俸減平銀五十三兩四釐遇開加餉乾銀兵米一千一

百一石六斗春夏二季支給折色秋冬二季動支本色遇閏加米九十

一石八斗小建扣米三石六斗

是營防守泗州盱眙天長三州縣地方泗州汛地墩堡六處盱眙縣汛地墩堡五

處天長縣汛地墩堡三處

宿州營隸江蘇徐州鎮歸江南提督統轄

順治初為壽春協左軍原設守備駐劄宿州添裁兵數統歸中

軍乾隆二年壽春協改設總鎮增設左營遊擊駐劄壽州防守

宿州靈璧蒙城三州縣地方以左軍守備改為左營守備仍駐

宿州原額遊擊一員守備一員千總二員把總四員外委千總

二弁外委把總四弁馬戰兵六十名內養廉兵四十九名步戰兵一百二

十名內養廉兵四十九名守兵四百二十名內養廉兵一十一名官坐馬

二十二匹戰馬六十四匹哨船一隻十八年裁守兵一十名十九

年改遊擊爲都司移駐宿州卽以原防宿州之守備移駐壽州  
裁官坐馬二匹又裁養廉名糧馬戰兵一名步戰兵四名馬一  
匹四十七年添守兵二十名武職改給養廉銀兩裁各官養廉  
名糧馬戰兵一十四名步戰兵四十五名守兵一十一名馬一  
十四匹四十八年添馬戰兵三十六名步戰兵七十八名守兵  
三十一名馬三十六匹裁公糧守兵一十八名嘉慶九年添馬  
戰兵一十四名步戰兵二十八名守兵九十八名馬一十四匹  
裁步戰兵一名守兵七名十年撥徽州營左軍千總一員官坐  
馬二匹移駐宿州南平汎以原駐南平汎外委把總移駐本營  
新設湖溝汎十一年江蘇徐州協改設總鎮以原駐宿州壽春  
鎮標左營都司爲宿州營都司撥歸管轄以原駐壽州左營守  
備一員千總一員隨營移防徐宿交界要隘旋以守備改撥徐

州鎮標作為中營遊擊中軍守備裁官坐馬四匹以千總移駐  
 宿州作為本營都司中軍千總添馬戰兵二十五名步戰兵四  
 十九名守兵一百八十名馬二十五匹又添設額外外委三弁  
 仍食馬戰兵糧裁馬戰兵五十一名步戰兵八十五名守兵一  
 百一十八名馬五十一匹十二年添守兵一百五十名以原駐  
 蒙城縣把總一員官坐馬二匹外委把總一弁馬戰兵四名  
在內把總步戰兵六名守兵四十七名馬四匹哨船一隻撥歸潁州  
 營道光三年添設外委把總二弁仍食馬戰兵糧又添馬戰兵  
 一名步戰兵二名守兵七名馬一匹四年添設額外外委二弁  
 仍食馬戰兵糧駐防靈壁之海溝濠城九年裁江蘇劉河營  
 擊改設宿州營中軍千總移駐百善汛百善汛  
 擊中軍守備

總移駐夾溝汎夾溝汎外委把總移駐宿州城內又添設蕪縣石弓山夾溝三處額外外委各一弁十二年裁馬步守兵十八名二十二年裁馬戰兵一名同治四年升龍山汎別爲一營駐守渦陽八年以原設把總移駐濉溪口汎濉溪口外委于總移駐臨渙汎臨渙汎外委把總移駐張家集又曹市石弓山亦撥屬渦陽移原設石弓山額外協防靈璧縣城移曹市集額外協防褚家集移夾溝汎額外協防石相集今額設技員弁內有添弁裁省外委把總一弁未詳

遊擊一員駐泗州

中軍守備一員駐防宿州

千總三員一駐防宿州百善汎一駐防靈璧縣一駐防宿州一駐防宿州夾溝汎

把總三員一駐防宿州一駐防宿州夾溝汎

重修安徽通志卷九十七武備志 兵制



外委千總三弁

一協防靈璧縣固鎮汛一協防宿  
州湖溝汛一協防宿州臨渙汛

外委把總四弁

一防宿州張家集汛一分防宿州大店汛一分  
防宿州靈璧縣漁溝汛一協防宿州時村汛

額外外委八弁

一協防靈璧縣城一協防宿州褚家集汛一協  
防石相集一協防宿

州新縣集二弁存營

馬戰兵六十四名

內有外委千把總七  
弁額外委八弁

步戰兵一百三十三名

復四十

守兵六百八十一名

全

官坐馬二十二匹

遊擊馬六匹  
守備馬四匹

千把總六員

戰馬六十四匹

內有外委額外  
委馬十五匹

歲支養廉俸薪餉

乾等銀一萬五千一百一十五兩六錢四分一釐

內扣解司庫  
明銀四百二

十兩九錢六分又廉俸扣成減平銀一百五十三兩四錢二釐  
遇閏加餉乾銀一千九十八兩八錢小建扣銀三十六兩六錢

二分五釐有奇

兵米三千一百六十石八斗春夏二季動支本色秋冬

二季支給折色

遇閏加米二百六十三石四  
斗小建扣米八石七斗八升

是營防守宿州靈璧二州縣地方

宿州汛地墩堡十八處  
靈璧縣汛地墩堡七處

滁州汛 隸江南江甯協標浦口營歸安徽巡撫統轄仍聽兩江總督節制

原設把總二員外委二弁額外一弁馬步戰守兵一百三十九名同治八年調撥馬兵四名步兵七名守兵六十五名駐防江甯

甯今額設

把總二員 一駐防州城一駐防全椒縣鳳皇橋

外委二弁 一分防全椒赤石埠一分防來安縣城

額此外委一弁 烏衣汛

馬戰兵六名 內有外委二弁額外一弁 步戰兵十一名守兵三十五名官坐

馬二匹戰馬六匹 內有外委馬二匹額外馬一匹 歲支養廉俸薪馬乾等銀及

兵米悉由江甯協標浦口營彙支散放

是汛防守滁州全椒來安三州縣地方 滁州汛地城堡十二處全椒縣汛地城堡

四處來安縣汛地城堡一處

重修安徽通志卷九十八

武備志

兵制 五長  
江水師

長江水師提督

駐劄太平府統轄本標五營兼轄岳州漢陽湖口瓜州狼山五鎮歸兩江湖廣總督節制

同治元年克安慶復建省會督臣議以所部外江內湖招募制

勝之水勇簡其精銳改爲長江水師會奏准西起荊州東界江

陰上至岳州下至崇明絲互五省包絡湖浸凡爲營二十有八

戈船哨弁七百有奇爲兵之數萬有一千數百分立五標設總

兵官四而統轄於長江提督計安徽除提標中營外凡五營曰

安慶曰大通曰蕪湖曰裕溪曰華陽經始於同治四年冬至七

年春就緒

中營 副參游以下巡撫節制餘營並同

同治五年太平府設中軍中營副將其大小哨官四十三員弁

今額設

副將一員

駐劄太平府

都司二員

一泊太平府城一泊金柱關

守備三員

一泊太平府城一泊采石磯一泊和尚港一泊新河口分防大江北岸

千總十員

二隨差一防金柱關一泊新城埠一泊北岸三條溝一泊南岸一泊神農洲一泊采石下汛一泊銅井河一泊和尚港下汛以上二員

把總十二員

二雷營六隨差一泊太平府城河一泊北岸老洲一泊和尚港和州志作泊太陽

河汛又隨差六員

內和州志作一泊瓦蓬溝汛

外委十六弁

十二弁雷營三弁隨差一協防采石下汛雷營

書吏四十二名

提督稟書四名副將四名都司守備各二名有汛千把

總各一名

不在兵額

不在兵額

額兵六百三十名督戰舢板船一號兵十名長龍船二號每船兵二十五

名舢板船四十號每船兵十四人大礮九十四位每長龍六小礮八十

二位每舢板二坐船四十九號提督四號副將二無兵舢板船二號

是營分防金柱關以下江面至烏江止當塗志南岸分防上

墩起下至江甯屬銅井河上三里界墩止計七十里北岸分防上自含山屬姥橋河上三里界墩起下至和州屬烏江駐

馬上河三里界墩止計六十五里

### 提標水師右營

同治五年和州裕溪口設立參將屬提標左營七年更定營名

曰裕溪大小哨官三十三員弁今額設

參將一員駐和州雍家鎮

都司二員並泊裕溪口河內

守備二員一泊裕溪口

千總八員 一泊三叔河一泊運漕東汛一泊桐城嶺

把總九員 一泊裕溪河一泊運漕西

外委十二弁 一泊西梁山一泊黃山陟口河

書吏二十七名 參將彙書二名都司各一名參將書識四名都司守備各二名有汛千把總各二名不在兵額

額兵四百九十名督戰舢板船一號 兵二名長龍船二號 每船兵二十五名

舢板船三十號 每船兵十四名大礮七十二位 每長龍六小礮六十

二位 每舢板二坐船三十五號 參將二都司無兵舢板船二號

是營分防東西梁山至金柱關止 並防運漕巢縣無為州各內河及巢湖百餘里

### 提標蕪湖營

同治五年蕪湖設立游擊屬提標右營七年更定營名曰蕪湖

大小哨官二十三員弁今額設

游擊一員 駐蕪湖縣

都司二員一泊蕪湖縣南門浮橋

守備一員

千總四員

把總六員一泊蕪湖河口

外委十弁一泊七磯一泊魯港一泊清水河一泊方村一泊河口

書吏二十名游擊案書二名都司各一名游擊書識四名都司守備各二名有次千把總各一名不在兵額

額兵三百五十名督戰舢板船一號兵二十名長龍船二號每船兵二十五名

舢板船二十號每船兵十四名大礮五十四位每長龍六舢板二小礮四十

二位每舢板二坐船二十五號游擊二都司以下各一無兵舢板船二號

是營分防繁昌荻港至和州裕溪口止並防湖泄清

提標大通營

同治五年銅陵縣大通鎮設立參將屬提標後營七年更營名

日大通大小哨官三十三員并今額設

參將一員駐劄銅陵縣大通鎮

都司二員並泊大通鎮

守備二員一泊鯉魚料汛一泊大通口汛

千總八員一存營一泊和悅洲一泊丁家洲一泊新洲頭一泊新開溝一泊梅梗一泊王架套一泊馬溝一泊協防

把總九員四存營一泊紫沙洲一泊鐵板洲一協防新洲頭一泊魚寮一泊郭港一泊王家壩二泊大江口一泊馬溝

外委十二弁四存營一泊郭港一泊王家壩二泊大江口一泊馬溝

汛

書吏二十七名參將彙書二名都司各一名參將書識四名都司守備各二名有汛千把總各一名不在兵額

額兵四百九十名督戰舢板船一號十名長龍船二號每船兵

名舢板船二十號每船兵十四名大礮七十四位每長龍六小礮六十

二位每舢板二坐船三十五號以下各一無兵舢板船二號



是營分防桐城樅陽以下江而至荻港止

湖口鎮標安慶營

同治五年安慶府設副將屬湖口鎮前營同治七年改營名曰

安慶其大小哨官四十三員弁今額設

副將一員駐劄安慶府

都司二員一泊懷甯縣新河口

守備三員一泊懷甯縣新鹽河一泊東

千總十員一存營一泊懷甯縣鐵泥洲一泊老鹽河一泊桐城

陽河一泊烏沙夾一泊寶貴汛一

把總十二員二存營一泊懷甯縣楊家套一泊楊家套上汛一

泊東流縣湖東汛一泊桐城縣新河一

外委十六弁二存營一分防懷甯縣江家店一協防新河一分

防鴨兒溝一分防馬家窩一分防石門湖一協防

花園上汛一分防山口鎮一協防桐城縣陽河北岸一協防

望江縣吉陽河一分防蓮花洲一協防貴池縣壽陽河一協防

費賽下汛一協防烏沙夾一協防東流縣黃石磯下汛

書吏三十名副將稿書二名都司各一名副將書識四名都司守備各二名有汛千把總各一名不在兵額

額兵六百三十名督戰舢板船一號兵二十名長龍船二號每船兵二十五名

舢板船四十號每船兵十四名大礮九十四位每長龍六小礮八十

二位每舢板各二坐船四十五號副將二都司以下各一無兵舢板船二號

是營分防東流縣以下江面至桐城縣樅陽鎮止並防北岸陽以內之湖南岸通殷家匯之河

湖口鎮標華陽營

同治五年望江縣華陽鎮設立游擊屬湖口鎮右營同治七年

改營名曰華陽其大小哨官二十三員弁今額設

游擊一員駐東流縣香口

都司二員一泊望江縣華陽鎮上

守備一員一泊江西彭澤縣芙蓉墩汛

千總四員一泊老華陽汛一泊彭澤縣北風套

把總六員一泊彭澤縣北風套一泊小姑墩汛一泊六口汛一泊金剛料汛一泊望江縣華陽鎮一泊東流縣香口汛

汛

外委十弁七存營一協防彭澤小姑墩汛一協防東流縣香口汛

書吏二十名游擊稿書二名都司各一名游擊書議四名都司守備各二名有汛千把總各一名不在兵額

額兵三百五十名督戰舢板船一號兵二名長龍船二號每船兵二十五名

舢板船二十號每船兵十四名大礮七十四位每長龍六小礮四十名

二位每舢板二坐船二十五號游擊二都司以下各一無兵舢板船二號

是營分防彭澤老洲頭至東流縣香口止並防吉水廣

以上各營歲支養廉俸薪兵糧船費等銀均由江甯鹽道

在於釐金項下支放

咸豐十一年十二月初四日奉

上諭有人奏咸豐三年賊陷安慶並未據守自周天爵等奏請改建省會於廬州賊窺安慶無備始圖占踞遂至全皖糜爛查安慶古稱重鎮若省會改於廬州非惟於皖南鞭長莫及亦距江較遠無從設防今幸安慶克復應將安徽省城仍建該府並宜添設提督統轄水陸各營其江西九江鎮卽就近歸新設安徽提督節制查福建廣東兩省均設有水陸提督現在江防較海防喫緊可否於該二省內裁併一缺移設安慶則兵餉均無須另籌等語賊匪據有長江之險以致江皖糜爛現在安慶克復亟應整頓關防所稱安徽省城仍應建於安慶巡撫藩臬如前駐劄並設立提督統轄水陸官兵九江鎮併歸節制則聲勢聯絡江防更爲周密均不爲無見卽著曾國藩彭玉麟

疏科就現在地方軍務情形悉心籌畫會同妥議具奏至所請於福建等省裁缺以資移設之處應俟該大臣等覆奏到日再降諭旨

同治元年吏部等部會奏同治元年二月二十四日內閣奉

上

諭曾國藩等奏遵議安徽省城仍建安慶并專設長江水師提督及總兵以下各官等語著議政王軍機大臣會同該部議奏欽此查原奏內稱安徽一省跨乎大江江以北四府四州江以南四府一州安慶府城處濱江適中之地實爲形勢所必爭咸豐三年安慶城陷江面悉爲賊有千艘往來飄忽莫測官軍無一舟一筏可以應敵周天爵等請以省城改建廬州係屬一時權宜舍此亦別無自全之策是年臘月廬州復陷官軍屯於郡北定遠一帶於是合肥以南之州縣盡淪於賊而皖南中隔大江賊氛徧布文報梗阻巡撫不復能過而問焉咸豐四年

重刊通志卷之十一  
諭旨令徽甯等屬暫歸浙江巡撫兼轄廷臣因上疏請仿照前明南贛  
鄖陽之例設立皖南巡撫

文宗皇帝飭吏部核議不設巡撫而稍重皖南道之權令其仿照臺灣  
道例專摺奏事另添皖南總兵一員數載以來皖南道一缺例  
由兩江督臣保薦皖南之錢糧刑名不隸藩臬奏報不歸巡撫  
儼若另爲一省而皖北撫藩等官散處於壽潁臨淮泗州等處  
幾無定所公事廢閣號令紛歧改建省城之弊此其明證現在  
安慶已復江路疏通欲辦蘇浙之賊必自力圖皖南始欲辦皖  
南之賊必自守定安慶始臣愚以爲宜如原奏所請安徽省城  
仍應建於安慶巡撫藩臬如前駐劄庶足以資控制而一事權  
等語吏部查安慶古之皖國西控楚鄂南臨江表在昔季漢已  
爲吳魏必爭之地降及唐宋下逮元明悉藉爲重鎮咸豐三年

省城失陷以後

欽差大臣周天爵請將省城暫建廬州嗣據升任吏部左侍郎沈兆霖以江面阻隔請設皖南巡撫經臣部以官屬碍難猝設疆域未容輕分奏明將甯池太廣道暫改爲徽甯池太廣道加按察使銜准其專摺具奏稍重鎮道之權以爲權宜之計今據該督奏稱安慶克復以後江路疏通請將省城仍移建安慶臣等查該處地據形勝實資控制自應如所請悉復舊制全省一切事務仍由該督撫奏報庶事權得以歸一號令不致紛歧其按察使銜徽甯池太廣道應否仍復舊制之處應由該督查看情形另行具奏又稱設立提督統轄水陸官兵江西九江鎮就近歸安徽提督節制一條查水師陸兵判然兩途猶耕織皆所以資生而不能使一人而治兩業安徽壽春鎮所轄向係羣捻出沒之

地皖南鎮所轄又係萬山叢雜之區皆與江防毫不相涉應請仍歸安徽巡撫節制江西九江鎮所轄如撫州九江建昌等處離大江六七百里亦係陸路專政應請仍歸江西巡撫節制該兩省巡撫向兼提督銜均應遵守舊制無庸更改至江防局面宏遠事理重大臣愚以爲應專設長江水師提督一員目下大江之水師歸彭玉麟楊載福等統率者船隻至千餘號之多礮位至二三千尊之富實賴歷年積累成此巨觀將來事定之後利器不宜浪拋勁旅不宜裁撤必須添設額缺若干安插此項水師而卽以壯我江防永絕中外之窺伺其提督銜門或立安慶或立蕪湖等處自提督以下總兵應設幾缺副參以至千把各設幾缺暨分汛修艦各事宜統俟

諭旨允准之日再由吏兵等部詳核議奏臣等如有所見亦必續行奏



咨略參未議至俸薪口糧修補船礮等項當於長江酌留釐卡數處量入爲出不必只由戶部籌款其福建廣東原設水師提督似不必遽議裁缺轉致疎防兵部查安徽省所轄長江上接江西之九江下連江南之江甯其閒江面遼闊地勢險要防守皆爲重地今該督奏請添設長江水師提督一員深得古人欲固東南必先守江之意應如所請准其添設其駐紮地方安徽省城旣仍改建安慶巡撫藩臬如前駐紮則天門采石之險亦須有重兵防守方足以資聯絡提督衙署自應設立蕪湖至總兵副將以至千把應設幾缺暨分汛修艦各事宜請應令該督親歷沿江地方體察情形熟籌妥議臣部未便遙度此項水師無事則泛舟長江往來游徼有事則東西奮擊戰守兼資規復江南此爲上策惟添設提鎮大員該督須爲經久之計其將領

應如何選擇兵丁應如何練習須詳細籌畫勿因目前有彭玉麟楊載福統帶楚勇卽定爲規制應令該督再行詳核議奏戶部查酌添長江水師提鎮官弁需用俸薪口糧若於長江酌留釐卡數處量入爲出係屬一時權宜則可若行之久遠旣非定制且釐卡所得贏絀無定俸薪口糧卽從而隨多隨少亦於事理未協應俟該督妥議添設後應支俸薪等項若干報部核定行文皖省出藩庫開支其長江應酌留釐卡幾處應收釐金若干隨時報部備查所收銀兩儘數解交藩庫備撥庶事歸畫一以符定制工部查安徽大江水師統率船隻至千餘號之多現當多事之秋實爲水師所必需應令該督撫等俟軍務平後將前項船隻數目如何分隸管轄及何年製造每船須銀若干有無編列字號分別造冊送部以憑查核至礮位一項尤係行軍

利器現據所稱礮位至二三千尊之富足資攻剿得力亦應令  
事定後將礮位名目并斤重若干及分撥何營存留備用之處  
分別造冊報部備案五月二十三日奉

旨依議欽此

同治四年督臣官文曾國藩李鴻章彭玉麟會奏清軍略  
設立游擊局湖口鎮右營分防自老洲頭以下彭澤香口至東  
流止並吉水溝以內各湖一安慶府設立副將屬湖口鎮前  
營分防自東流以下江面黃石磯李陽河一帶至樅陽止並防  
北岸鹽河及樅陽以內之湖南岸通殷家漚之河一大通設  
立參將屬提標後營分防自樅陽以下江面池州土橋一帶至  
荻港止一蕪湖設立游擊屬提標右營分防自荻港以下江  
面至裕溪口止並防灣沚清弋江等內河一裕溪口設立參  
將屬提標左營分防江面東西梁山至金柱關止並防運漕兼  
爲州各內河及巢湖百餘里一太平府設立提督衙署設中  
軍中營副將分防金柱關以下江面至烏江止

同治五年兵部等部會奏臣等查得江南等省水師向只設內  
河外海至長江一帶向無水師今濱江五省戰事大定該督等

設官分兵添設營汛誠因時制宜之舉不唯與原設之內河外  
海各水師相爲聯絡實可永固江防補綠營之所不及所有添  
設總兵四員撥出兼隸總兵一員副參遊三項營官二十四員  
都守千把總外委等哨官七百七十四員均請照原擬數目分  
別添設其原擬營制二十四條均極周密應擬卽照所請分別  
管轄其另行設防及接防等處應令該督等分別知照辦理惟  
事屬創始辦理稍有未善卽恐易滋流弊在該督等籌畫周妥  
莫不嚴定章程尤須加意訓練隨時整頓以期有利無弊庶不  
致蹈綠營之積習以仰副我

皇上添設水師慎重江防之意至添兵一萬二千餘人自係爲長江遼  
遠往來巡緝稽查彈壓緊要而設應如所奏辦理惟此項兵丁  
是否新添抑或由各營抽撥並分隸何營汛兵丁各若干名應

令一併詳細分晰造冊報部查核嗣後仍於年終造入兵馬彙題冊內送部核題其兵餉船價廉俸雜費修艦之資約計每月五萬有餘既據該督等於條款內聲請在於江甯湖廣境內酌留釐卡數處分屬江甯武昌兩鹽道經收是此後酌留釐金一項卽爲水師經費專款應卽將所需銀兩按年在於江甯武昌兩鹽道庫分別支領年終分晰細數彙冊奏銷以歸核實至應用船隻等項工部查應用船隻亦據該督等於各條內分晰聲敘應令將各項船隻數目工料銀兩詳細造報核銷並督飭承辦各員認真經理毋得草率偷減以利防剿所有建設提督等官衙署軍裝局各工既據該督等於各條內詳細聲明應令該督遴委妥員據實查勘一俟勘明基址估定銀數卽行專案報部查核工竣隨時照例造具工料做法分晰清冊送部核銷至

船隻內應配旗幟礮位軍械藥子等項既據該督等於各條內  
聲明應令將各項船隻應行配帶一切軍械數目及工料銀兩  
詳細造報核銷應督飭承辦之員認真製造必須工料堅實毋  
得草率偷減以資利用而重江防所有總兵以下各員弁俟

命下之日令該督等造具營制清冊咨送兵部撰擬字樣轉行禮部鑄  
造關防再行頒發至長江水師事宜臣等按照原擬條款分別  
核議另繕清單恭呈

御覽其一切未盡各項事宜仍令該督等妥議具奏並分別題咨辦理  
六月十四日奉

旨依議欽此

又兵部等部議復曾國藩等清單疏略一原奏長江水師提督駐劄原議在於蕪湖建  
立衙署查蕪湖內河甚小冬令水涸不能安泊戰艦若泊大江  
之中則洪濤巨浸其患莫測查江南太平府河外通江內通湖

可紫戰船數十營右達皖南甯國府南潯固城諸湖空達江蘇  
 高涇深水兩縣白石丹陽諸湖兼可扼東潯之要臨擬以提督  
 駐紮太平府設立衙署等語兵部查太平府為水路適中之地  
 較之蕪湖尤為扼要應准其以長江提督駐紮太平府以資控  
 制工部查建立提督衙署應令該督造委委員據實查勘一俟  
 勘明後即將所估銀數專案報部查核一原奏長江水師提  
 督管轄之地近上自荆州岳州下至江蘇崇明兩岸支河內湖均  
 歸統轄計程近五千餘里分列五省若僅駐紮太平府恐其照  
 料難周擬於岳州府設立行署該提督若僅駐紮太平府恐其照  
 江太平府以半駐上江岳州府每年周歷巡查駐上江則巡  
 閱至洞庭湖荆州駐下江則巡閱至狼山止等語兵部查長  
 江提督管轄遼遠若專駐太平府建立行署分月輪駐上江各處水師  
 不無廢弛之弊應准其於岳州建立行署分月輪駐上江各處水師  
 仍將巡歷各處按季造冊送部以憑查核工部查設立提督衙  
 署應令該督一俟委員查勘即行專案報部查核一原奏長  
 江水師提督轄較遠責任甚重擬請單銜奏事以專責成如  
 遇有與各省地方公事及陸營交涉之件則會商該省督撫分  
 別奏咨辦理如地方公事及陸營交涉之件則會商該省督撫分  
 撫亦會商長江提督分別奏咨辦理與水師交涉之件該省督  
 明木李如松始以武臣而為提督初向文武兼用後乃專用武  
 職推九門提督一缺尚是文臣兼領江提督一缺擬請文武兼用  
 尙以巡撫兼領略存舊制今長江提督一缺擬請文武兼用蓋  
 絲長江通商處與外國交涉朝夕相見必須提督平日稍  
 威權乃足以資彈壓該提督仍歸兩江總督湖廣總督節制等

語兵部查長江提督統轄遼闊責任甚重遇有緊要事件自應  
准其單銜具奏如陸營遇有公事及交涉之處該管會商該管分  
別奏咨辦理如陸營遇有水師交涉之處該管會商該管亦會同長  
江提督分別奏咨辦理至提督擬文武兼用仍歸兩江總督兼用  
黃總督節制之處吏部查長江提督係為因時制宜起見應如所  
請准其文武兼用仍歸兩江總督兼用係為因時制宜起見應如所  
務商門查長江提督統轄兩江總督兼用係為因時制宜起見應如所  
商師上海通商大臣及沿江各該督撫奏辦五營一原奏長江  
水師共立六標提督駐紮太平府所轄提標五營一原奏長江  
兵所轄鎮標四營漢陽設一總兵所轄鎮標四營一原奏長江  
兵所轄鎮標五營瓜州設一總兵所轄鎮標四營一原奏長江  
兼隸長江所轄鎮標二營通共二十四營等語兵部查長江  
師添設各標共立二十四營布置尚屬周妥應如所奏並將  
山鎮總兵兼隸長江一原奏長江提督外其荆州以上沂江至  
宜昌巴東漢陽以上沂漢至襄陽鄖陽及各支河湖以上沂江至  
北設防歸湖廣總督湖北提督統轄湖南除江面及洞庭湖歸  
長江提督外其餘沅二水應由湖南設防歸湖廣總督統轄  
有統轄江西除江面及鄱陽湖歸長江提督外其餘吳城以上及  
東西支河應由江西設防歸江西巡撫統轄安徽除江面與傍  
江之湖歸長江提督外其餘淮揚鎮標以下至洪澤湖止並  
按連蘇屬支河湖蕩應另設淮揚水師歸淮揚鎮標以下至洪澤湖止並  
江總督漕運總督安徽巡撫兼轄江蘇除江面歸長江提督外



其自鎮江以東凡江南之支河湖蕩應另設太湖水師歸兩江  
 總督江蘇巡撫江南提督統轄其舊外擬以狼山鎮兼隸長江提  
 三鎮除福山蘇松二鎮督江南提督節制等語兵部查長江地  
 皆標下仍聽兩江總督分疆界方足以專責成而免推諉應  
 准其各按汛地分界統轄各歸節制其應另行設防之處依具  
 奏到日再行核辦一原奏副將參將游擊各有專營自應設  
 立衙署惟長江水師營汛其責任專重在河面並無防守賊池  
 彈壓而鎮之責其立汛建署須擇有港汊內河可以泊戰艦者  
 庶免風濤覆溺之患雖孤洲野岸亦可修造衙署宜距城市稍  
 遠乃為妥善等語兵部查設立副將參將游擊衙署應令該督  
 開參以重職守工部查設立副將參將游擊衙署應令該督  
 員查勘據實專案報部查核一原奏水師官兵皆以船為家  
 不准登岸居住如違例住岸上者官即革職兵即革職自都司  
 以下皆係哨官即以哨船為辦公之所不准建新陸居至長江  
 提鎮除例給坐船外各給督陣舳板二號每船額設守備哨官  
 一員兵二十名內舵兵一名頭兵一名破兵二名槳兵十六名  
 凡提鎮衙門巡捕跟丁執事人等皆輪流派此船之人值班  
 差下班仍以船為家不准在岸居住副參遊督陣舳板各一號  
 悉如之等語兵部查以船為家之水師官兵如有違例住岸者  
 應照所擬悉辦該管上司照失察私離汛守之例議處以肅營  
 伍工部查船隻內應配旗幟等項應令該督查明各船應  
 配何項礮位旗幟軍械若干將名目件數造冊送部查核  
 一原奏副將營制戰船四十三號內長龍船二號舳板船四十

號督陣大舢板船一號參將營制戰船三十三號內長龍船二  
 號舢板船三十號者陣大舢板船二十號者惟岳州漢陽二營凡專立之營  
 遊擊營制而用船三十三號者惟岳州漢陽二營凡專立之營  
 皆以都司二員管駕長龍為領哨其各散哨員弁均受約束左  
 領哨專管本營錢糧右領哨專管本營船礮軍裝及一切差遣  
 巡查諸務其舢板之以守備充哨官者為副領哨每守備率領  
 船十號等語戶部查長江水師新立二十四營營制大者兵弁  
 六七百名最小者亦三百數十名人數既多出入錢糧最為緊  
 要自應責令營員專司其事該督等請各營以都司二員管駕  
 長龍戰船為領哨左領哨專管本營錢糧原以重糧餉而專責  
 成應如所議辦理仍令該督等明定章程句稽出入以杜侵扣  
 浮冒等弊至右領哨專管本營礮船軍裝工部查右領哨專管  
 木營礮船軍裝應如所議辦理仍令該督責領營員隨時稽察  
 儘有應修應製即行呈明修製以重防務而資利用一原奏  
 長江水師額兵副將營督陣舢板船一號兵二十名長龍船二  
 號每船二十五人共兵五十名舢板船四十號每船十四人共  
 兵五百六十名稿書識十四名共額兵六百三十名其哨官  
 四十三員參將營督陣舢板船一號兵二十名長龍船二號每  
 船二十五人共額兵五十名舢板船三十號每船十四人共兵四  
 百二十名共額兵四百九十名其哨官三十員遊擊營督陣  
 舢板船一號兵二十名長龍船二號每船二十五人共額兵三百  
 五十名共哨官二十三員其遊擊營亦有哨官二十三員者全做

參將營之例 奏書書議均不在內 等語 兵部查長江水師副將

部查長江水師戰船內 應添額兵均准其照數安設 以資巡防 吏

稿書書議十四名 並木將此項稿書書職該督等原奏內 只稱用

應今做照綠營之例 亦應擬定額數 造冊送部 以免參差 工部

折造年限 限部查核 一原奏領時 部司除長龍戰船 大小修理

兵外 另給無兵之船 板船一號 如遇出兵 入小河 龍戰船一號 有

工部查領 所部司如 遇出兵 入小河 漢又另給 軸板船一號 以

期便捷 而免延滯 應如所議 辦理 一原奏長江水師 提督用

稿書四名 書議八名 總兵用稿書二名 書議六名 兩參遊皆用

二名 千把各用書議四名 都司用稿書一名 書議二名 守備用書議

等官 設立稿書書議 既據該督 擬定額數 應如所奏 辦理 仍令

該督 督印將各該 稿書書議 姓名年貌 籍貫三代 姓氏存 存

著役 日期分晰 造具清冊 先行送部 以備查核 其餘一切 事宜

應仿 照兩江 湖廣 之例 辦理 以歸 畫一 至該 稿書等 如五年 役

立水師 之特較 陸軍 酌量 減發 給執照 一原 奏咸 豐四年 初

五錢 頭工四兩 二錢 不等 厥後 因銀價 日賤 米價 日貴 築手 加

為三 兩九錢 今將 水勇 改為 額兵 而各 處陸 營粉 紛招 勇若 建

制水 兵口糧 太減 則人 皆去 為陸 勇誰 復肯 當水 兵一 名每 月給

者從 其優 長龍 戰船 額設 兵二 十五 名內 柁工 兵一 名每 月給

量

銀三兩六錢每日一錢二分管船兵一名頭工兵一名  
 日名每月給銀三兩每日一錢漿手兵十八名每月給銀二兩  
 七錢每日九分船板戰船額設兵十四名內舵工兵一名頭工  
 兵一名礮手兵二名礮手兵十名督陣大舢板額設兵二十名  
 內舵工兵一名頭工兵一名礮手兵二名礮手兵十六名月餉  
 均與長龍戰船同稿書與舵糧同月支三兩六錢書識與礮糧  
 同月支二兩七錢俟軍務大定各路並無招募之事再由長江  
 提督江楚總督專案具奏議將口糧酌減乃為定額亦須優於  
 陸兵庶不致似今日綠營之廢池等語戶部查例載直省綠營  
 兵丁月餉每名月支銀二兩至一兩不等其舵工水手月糧江  
 廣水師章程每名月支一兩五錢至五錢不等係於兵丁之外  
 另設舵工副工名目是以另冊報銷此次新設長江水師船工  
 即以此兵丁為之自應一併議給口糧查自軍興以來錢價日賤  
 糧價日貴各路勇糧逐漸增加現在江南雖已大定而充豫等  
 省軍務未平招集陸續勇紛紛未已今將水勇改為額兵若口糧  
 仍照陸營例支給則糧數驟減人皆去為陸勇水師恐難足額  
 應請如該督等所詳優給口糧將舵工兵每名月給銀三兩六  
 錢管船兵頭工兵礮手兵每名月給銀三兩漿手兵每名月給  
 銀二兩七錢並將各營稿書比照舵糧書識比照礮糧均分別  
 兩江兩湖所轄之境按季在於江甯武昌兩鹽道庫支領給發  
 年終核實報銷至此酌酌給口糧係因營制初立各省軍務多  
 未蒞事不得不暫從其優將來軍務大定應由長江提督會同  
 江楚總督酌擬奏減著為定額仍令比照陸營稍示優異使兵  
 丁不致苦累庶可以勤操演而垂久遠一源奏長江水師副

將普協標有官額缺應設都司二缺守備三缺千總十缺把總  
 十二缺外委十六缺參將營官額缺應設都司二缺守備三缺千總十缺把總  
 司二缺守備一缺千總四缺外委十二缺遊擊營哨官額缺應設都  
 司二缺守備一缺千總四缺外委十二缺遊擊營哨官額缺應設都  
 官皆以各員所管之船為缺不設衙署等語兵部查長江水師  
 副將參將遊擊各標下添設都司守備千總把總外委各缺均  
 屬妥協應俱照原擬辦理水師關係緊要所設各缺應均作為  
 題補之缺一原奏長江水師提督督給座船四艘總兵給座船  
 三號副參遊給座船二號各營哨官都司守備以下直至外委  
 皆無衙署每哨各給座船一號以抵陸營衙署馬匹之費提督  
 每座船月支價銀十六兩總兵副參遊每座船月支價銀十四  
 兩都守以下每座船月支價銀十二兩等語戶部查陸營章程  
 營汛官弁均立衙署即各有衙署費用例給馬匹草乾等項都  
 費尤多此大設立衙署無衙署費用所有各省馬匹之費甚鉅都  
 司備弁以船為家並無衙署費用所有各省馬匹之費甚鉅都  
 月支船價以抵陸營衙署馬匹之費仍分別兩江兩湖所轄之  
 境按年於江甯武昌兩鹽道庫釐金項下支領給發年終核實  
 報銷至所定船價數目工部查水師將弁合給座船既按官階  
 之大小以分船隻之多寡應如所奏分給以便按月支領價銀  
 一原奏長江水師哨官缺出都守千把外委五項應全歸長  
 江提督主政即就長江水師中遊員題補其管官缺出副參遊  
 三項擬以七成歸長江水師中題補以三成由兵部就各省水  
 師中推補至總兵缺出由長江提督兩江總督湖廣總督三人  
 各保堪勝人員平日開單保奏屆時恭候

語兵部查長江提督既仍歸總督節制除千總把總外委應由  
 提督上政外守備以上自應由提督主稿會同總督詳理以符  
 體制至副參遊三項請以七成歸外題補三成歸部控補之處  
 查各省內河開有推缺外海其餘題缺誠以水師人材難得非  
 實在出色人員不足以期得力所有副參遊三項應均照外海  
 之例作為題缺無庸分補用其長江水師缺出應由長江提督  
 別項水師人員以昭畫一至總兵缺出應由長江提督兩江總  
 督兩湖總督平日各保堪勝人員照例送部引  
 旨記名後仍回原營恭候  
 名人員不照此例一原奏長江水師上下五千里今仍於  
 若向五處請庫領餉分歸五省報銷殊覺滋漫無紀戶部於  
 稽查而各省入款出款俱有常額若添此項兵餉殊覺別於  
 今長江既立經制水師酌定永遠章程凡各處餉項多取諸此  
 一切費用應酌量卡數處在兩江境內者屬江甯鹽道經收  
 在兩湖境內者歸武昌鹽道經收每年發餉之時其在楚境各  
 營造冊呈明湖廣總督長江提督赴武昌鹽道庫支領其在江  
 境各營造冊呈明兩江總督長江提督赴江甯鹽道庫支領江  
 楚兩總督每年各自具本題銷不彙入各省藩庫奏銷案內以  
 免牽混等語兵部查長江水師營每年製造藥鉛數目先期造冊送部查  
 如所奏分別題銷仍按年將製造藥鉛數目先期造冊送部查  
 核戶部查長江既立經制水師須定永遠章程凡各處餉項多  
 取諸此  
 取子藥一切費用別籌維艱該督等所請在兩江兩湖境內的  
 取子藥一切費用別籌維艱該督等所請在兩江兩湖境內的

具本題銷之處應如所奏辦理惟查釐卡分設各處其土產之  
豐歉商貨之暢滯時地各有不同即經收數目礙難懸定甚至  
徵多則徒供中飽徵少則貽誤餉需不可不預杜其弊應如何  
酌盈劑虛俾垂久遠均宜由各該督撫妥籌章程奏明辦理仍  
將設卡地方數目先行報部查核一原奏長江水師礮位大  
者千餘斤次者亦數百斤所需子藥最多須常設子藥局以資  
採演而備不虞查湖北省城安徽省城造藥均有牛礮最為穩  
便該二省應各設火藥局常川製造江蘇江西應辦礮斤協濟  
安徽藥局湖南應辦礮斤協濟湖北藥局至生鐵產於湖南應  
在長沙設立子彈局常川製造封門大子熟錫礮子分解湖北  
安徽兩省所有楚境各營均赴武昌請領子藥江境各營均赴  
安慶請領子藥至三局造辦子藥之費由武昌江甯兩鹽道庫  
於釐金項下撥給等語兵部查長江水師營操演礮位需用藥  
鉛應如所奏辦理仍將每年操演次數出數起止日期並應需  
藥鉛數目按年分晰造冊送部查核戶部查長江水師一切經  
費既據該督等奏請於兩江兩湖境內酌釐卡數處歸江甯  
武昌兩鹽道經收分別開放所有安徽湖北長沙三局造辦子  
藥之費自應准其由江甯武昌兩鹽道庫釐金項下撥給應用  
工部查長江水師礮位所需子藥最多須常設子藥局以資採  
演應在安徽湖北長沙三處設局造辦應如該督所議辦理至  
應需工料銀兩應令該督轉飭按年造冊送部核銷一原奏  
長江戰船大礮震鷲最易朽壞議定每屆三年修理一次十二  
年即行更換應於湖北之漢陽江西之吳城江西南之草鞋夾三  
處各設船廠排定子丑寅卯等年應修整某營某哨之船某年

應更換某營某哨之船輪流興工江境兩廠由兩江總督暨長  
 江提督委員監修楚境一廠由湖廣總督暨長江提督委員監  
 修所有船廠經費亦由江甯鹽道武昌鹽道兩庫撥給其風蓬  
 一件三年即須更換一次桿索纜索等物每屆修整之年亦須  
 酌量添換均准在於船廠請領等語戶部查此次新設長江水  
 師戰船故關緊要修造戰船經費亦最為鉅款該督等請三年  
 修理一次十二年更換一次並請於漢陽吳城草鞋夾三處設  
 立船廠排定子丑寅卯等年將各營各哨船隻輪流興工江境  
 兩廠由兩江總督會同長江提督委員監修楚境一廠由兩湖  
 總督會同長江提督委員監修是有一定期限且又挨次輪造  
 既無積久廢壞之虞亦無掩越不均之弊章程最為妥洽自應  
 准如所請辦理所需船廠經費即由江甯武昌鹽道庫釐金項  
 下撥放其添換風篷桿索纜索等物銀兩亦即在船廠經費內  
 支給以資應用至修造船隻價值數目工部查長江戰船大礮  
 震動最易損壞議請每屆三年修理一次十二年更換在於江  
 楚兩境內設立船廠排定子丑寅卯等年某年應修應換某營  
 某哨之船以及風蓬桿索纜索等物所需經費即在於江甯武  
 昌二道庫內撥給應令將某年應修應換某項船隻應需工料  
 若干先期派員勘驗咨報工部俟工竣後即將用過錢糧總數  
 細數分晰造具清冊專案造報工部核銷一將原奏長江戰船  
 並無竹蓬木枋惟以布蓬遮避雨露霜雪名曰雨棚最易朽腐  
 又如船本腦索礮繩旂幟紅油白油等項均須時常修換不能  
 待三年之期亦不能赴船廠請領此五者名曰雜費酌定長龍  
 戰船每年發銀六十兩舢板戰船每年發銀四十兩交該哨官



採辦修飾以壯軍容江境之船由江甯鹽道發給楚境之船由  
 武昌鹽道發給等語兵部查長江水師營配船旗幟隨時修換  
 應如所奏辦理至每船應設旗幟若干面即行查驗無飾印結  
 有損壞者修時委員查驗如果屬實出具查驗無飾印結並將  
 應修旗幟數目一併造冊送部查核以杜浮冒戶部查長江戰  
 船所需雨篷一項及錨本福索酸繩旗幟紅油白油等物既須  
 時常修換其應領各費不能待三年之期亦不能赴船廠請領  
 自應將各費核計每年酌給總數以便零星支取該督等請分  
 別長龍舢板船隻核給雜費銀兩交哨官採辦修飾江境之船  
 由江甯鹽道發給楚境之船由武昌鹽道發給應即准如所請  
 辦理其酌給雨篷等費數目工部查長江戰船所需雨棚錨本  
 等項長龍船每年給銀六十兩舢板船每年給銀四十兩隨時  
 修換應令該督將每年給銀六十兩舢板船各項細數隨案咨  
 以便稽核辦理一原奏長江水師提督現擬文武兼用其費  
 廉應即加重每年支銀八千兩其餘俸薪蔬菜燭炭心紅紙張  
 等項均照陸營提督之例支給自總兵以下及至千把凡養廉  
 俸薪蔬菜燭炭心紅紙張等項均照陸營之例發給外委准食  
 於糧雙分仍每年支養廉銀十兩照陸營之例發給外委准食  
 之座船其水師官兵應領之米照各省陸營之例發給外委准食  
 支入合亦由江甯鹽道武昌鹽道兩衙門於釐金項下購米按  
 季支發以上子藥局船廠雜費廉俸兵米四條均彙入正項案  
 內題銷等語戶部查定例提督養廉歲給銀二千兩此次新設  
 長江水師提督係文武兼用且統轄江面數千里責任非輕養  
 廉一項自應從重加給以示優異該督等請每年支養廉銀八

千兩其餘俸薪蔬菜燭炭心紅紙張等項均照陸營提督之例  
 支給應即准如所請自總兵以下直至千把凡養廉俸薪等項  
 仍令照陸營之例辦理惟外委無俸薪可支所請食柁糧雙分  
 仍給予養廉銀十八兩之處亦應照准至陸營兵米定例每名  
 日給入合水師官兵自應照陸營例支領應令江甯鹽道武昌  
 鹽道兩衙門即在蘆金項下勦款購米按季撥放以上子藥局  
 船廠雜費廉俸兵米四條均令該督等每年查造詳細冊籍分  
 晰報銷以憑稽核一原奏長江水師舊日營規甚嚴近來日  
 就鬆懈今立為經制水師應申明定規三條決不可犯者一曰  
 不許登岸居住二曰不許吸食洋烟三曰不許賭博如有登岸  
 居住吸食洋烟者官則革職兵則革糧有犯賭者由該管將領  
 察核情節節稟明嚴辦等語兵部查水師官兵如有登岸居住  
 食洋烟及犯賭者均如所擬懲辦失察之該管上司照例分別  
 核議以肅營伍一原奏現在髮逆肅清長江水師各分汛地  
 專以驅逐游匪嚴防劫盜為重僅有水盜劫船劫搶巨案逾限  
 不獲由長江提督專案參辦不得以陸營尚未開參文員尚未  
 開參稍涉推諉遲延以重江防而絕盜風等語兵部查遇有失  
 事即行開參一原奏長江水師設立營汛待部議復准後即  
 准補放實缺查軍興十餘載水師員弁所保官階提鎮居多副  
 參遊亦不少所設營缺有限應以保舉較大之階借補較小之  
 缺由臣等會同長江提督開單奏補其現在勇丁營制俟部議  
 復准後應即陸續遣撤一俟勇營撤畢即照新定兵丁餉章發  
 給等語兵部查大衙借補小缺例無專條自軍興以來打仗出  
 力人員保舉官階較大補缺無期經領兵大臣等聲明奏補歷

經各項均屬允准在案今長江水師員弁所保官階提鎮副參遊

以補鼓屬惟保舉各項官職較大小未補授實缺者准其量功

借補較小之缺其已補有缺者概不准查各省軍營人員往

人員用袋亦不准再行借補以示限制再查各省軍營人員往

往保至長江鎮副參其履歷未到部以致補缺時無從查核此

次歸隸長江人員均須取履歷並將記名提鎮若千員儘先

副參遊都守若干員均須取履歷並將記名提鎮若千員儘先

核辦戶部查江南軍務雖已大定而各營勇糧未送部以憑

現在既核定章程所有各營勇丁目當陸續遣撤酌留水勇改

為經制水師即可照新定餉章發給應令該督等將遣撤勇丁

數目及勇丁何時撤盡糧額何時起支一併專案報冊稍含

混一原奏長江水師各汛地不得私離且長龍舳板均係

官物非同私物可以借用凡各省文武差人雖有緊要公

務非奉有長江提督及五省督撫專劄派坐戰船者不得私借

戰船乘坐以圖便宜違者照不應馳駟妄行馳駟議處各營

哨官非奉有專劄而以戰船私借客官及朋友乘坐者照私離

汛地例議處等語兵部查私借戰船本官及該管上司均照所

擬分別參處以肅營伍工部查長江水師戰船不得私離汛

凡各省出差人員雖公務緊要非奉該省督撫專劄派坐不得

私借乘坐違者照例議處一原奏長江水師戰船不得私離汛

長龍底長四丈一尺底中寬五尺四寸舳板長二丈九尺底

中寬三尺二寸督陣舳板略加長四寸舳板長二丈九尺底

直冬安故直志 武備志 兵制 小礮前後短刀長



庇私監官并照故縱私梟例核議戶部查破船為長江利器以  
之巡緝私鹽因最便利以之包庇私鹽實難稽察若不嚴定章  
程將來弊竇叢生礙政因此而壞即營制因此而弛所關實非  
淺鮮應令該提督會同江楚總督公同遴選師船奏派若干隻  
別立旂幟字號准其巡緝私鹽仍令兩淮鹽運使及湖北鹽道  
會同各該營官嚴密查防其未經奏派之船概不准干預鹽務  
如有藉端包庇私鹽者官則嚴行參辦兵則比照尋常私梟加  
等治罪其如何明定官兵處分罪名之處應令該督等悉心酌  
擬奏明立案一原奏長江水師提鎮暨副參遊駐紮之處均  
須設立衙署軍裝局其經費即取諸酌量卡一俟部議復准  
卽由臣等會同江楚總督長江提督派員勘估次第建造事竣  
核實報銷等語戶部查此次新設長江局均須擇地營造需費孔  
副參遊駐紮之處所請卽由酌量卡內動款應用毋庸另籌經費  
自應如該督等所請卽由酌量卡內動款應用毋庸另籌經費  
費仍令該督等會同長江提督將各處工程派員確估應需銀  
兩若干先行專案報部俟核估完竣造具清冊核實報銷  
毋得稍有浮日至應如何核估之處工部查建修冊核實報銷  
署軍裝局各工應俟委員勘明基址估定銀數即行專案報部  
查核工竣隨時照例造具工料做法分晰清冊送部核銷  
原奏江南之京口狼山等營江西之湖口營湖北之漢陽營湖  
南之岳州等營凡向有水師之名而無礮船之實者令各該處  
均立標營改從新章應悉歸長江水師提督節制以昭畫一其  
向無水師名目者不必更改等語兵部查京口狼山湖口漢陽  
岳州等營既各立標營改從新章應悉歸長江水師提督節制其

無水師名目者仍照舊章辦理  
一原奏水師以使船為第一  
義善放礮次之凡考業糧須令一人駕一小划渡江一兩次凡  
考礮糧須令連放五礮無走火遲鈍等弊凡考應升應補之缺  
須令數船於無風之日盪槳逆行三十里驗其遲速其哨官仍  
考試技藝以定等差至校各鎮之優劣每年春季長江提督會  
同兩湖總督調集岳州漢陽二標在於武昌江面或武漢各湖  
簡閱一次秋季會同兩江總督調集湖口太平瓜洲狼山四標  
在於黃天蕩等處簡閱一次閱畢會摺其奏優者酌量保獎劣  
者分別參辦等語兵部查該督等所請凡考應升應補之缺暨  
盪船驗其遲速復考試以定等差係為慎重水師起見應如所  
奏辦理仍令隨時認真校閱以收實效如考驗  
技藝優者存記獎拔劣者即行參辦以重考功

同治七年兵部等部議奏臣等查長江水師均係新設之缺所  
有該督等擬補員弁亦係照奏定章程以大銜借補小缺事屬  
創始原不必拘以定例惟查各省總兵缺出無論水師陸路向  
由軍機處開單請

旨簡放惟廣西右江鎮雲南普洱鎮總兵缺出例由該督撫等保舉堪  
勝總兵人員擬定正陪恭候

簡放今岳州漢陽湖口瓜洲四鎮總兵四缺該督等徑將記名提督彭

昌禧等擬定四員請

旨簡放總兵係專閫大員例應

特簡若由該督等指定一員一缺似不足以崇體制而昭慎重所有岳

州漢陽湖口瓜洲四鎮總兵應否查照向章由軍機處開單請

旨簡放抑或照廣西右江鎮雲南普洱鎮之例

飭令另擬正陪請

旨簡放之處恭候

欽定至副參以下各官凡軍營及軍務省分向章雖准借補亦從無以

提鎮之銜借補千把之缺者今該督等奏補副參以下七百九

十餘缺請以記名提督周國興等借補銜缺未免懸殊臣等詳

加酌核除將借補章程另行片奏外所有此次長江水師副參

以下新設各缺擬請

旨准以周國興等暫行借補毋庸核計參罰其借補守備以上各員履歷到部者卽行給予署劄履歷未到部者由兵部開單知照該督等卽按名咨送履歷再給署劄統俟立營停妥各歸本汛後由該督等分年分起給咨送部仍遵外海之例按照二五八冬各月考驗鎗礮帶領引

見換給實授劄付至嗣後借補千把以下各官仍照例咨部核辦毋庸開單具奏以符舊制其請鑄關防由兵部撰擬清漢字樣知照禮部照例辦理請裁各缺亦由兵部照例辦理其續陳未盡事宜十條臣等謹逐條詳核另開清單恭呈

御覽再查長江險號天塹水師事屬肇端提督所轄江面延袤五千餘里利弊關係甚重雖立法周詳可期經久不做而時殊勢異斟



酌損益誠如該督等所奏仍須以後濱江督撫提鎮極力主持所有未盡各事及此後如有應行變通之處仍由各督撫會同水師提督隨時相機分別辦理

又兵部等部議奏臣等再察此次設立長江水師各缺事屬創始制費因時前經奏明准其以大銜借補小缺至所請綠營各缺暫於二十年內亦准以大銜借補小缺截至同治二十七年為止並稱議准後武每年借補六七成序補三四成等語該督久任督師深慮軍營保舉人數太多額缺不敷擬補且官職愈大補缺愈難不得已而爲此通融調濟之方所奏不爲無見惟是救弊不宜偏重立法不厭詳求查自軍興以來凡有軍務省分武職各員保至三品以上者固不下數萬人三品以下之員更不可勝計若各省綠營額缺均准以大銜借補竟至十分之

六七則是同一軍營立功人員銜大者可無失職之虞銜小者不免向隅之憾畸輕畸重似亦未得其平原奏謂將來軍事大定各路撤兵此項有銜無缺之員難保不滋生事端固屬防患未萌若大銜借補小缺遲至二十年之久必至各營千把微員永無升補之期亦恐不無流弊且武職各官品秩稍殊卽有統轄之責設小缺多以大銜借補則將領之銜與備弁無殊甚至受轄之備弁其本銜反大於所統之將領不惟有礙於體制更恐滋弊於戎行似亦非經久之制臣等詳加酌核各省保舉軍功人員多寡不同未便拘以一格擬請嗣後曾經軍務省分綠營各缺由各該督撫酌量除照例序補並無窒礙者毋庸借補外其有必須借補者暫准其專摺奏請通融借補提鎮准借至副參副將准借至游擊以次遞借不得借至三級以下其已經

借補實缺之員卽以本銜在任候補不得照借缺品級再行升  
借他缺至武職缺出已經借補一缺者每項不准接續借補兩  
員如係一摺數員借補仍不得過半並於年終彙總開單奏明  
借補各缺成數以備稽核無論何缺統計至多不准過五成如  
逾此數臣部查明行文該督撫仍於次年將序補人員照數補  
還至長江水師各缺現因營制初定暫照所請擬補嗣後亦應  
按照此次所定章程以三級爲限准其借補不得漫無限制所  
有陸路水師統俟十年後再由各督撫體察情形應否仍復舊  
例奏明酌核辦理

又兵部等部議復曾國藩等清單疏略

一原奏請鑄關防於官  
街上均冠以長江水師

字樣如四鎮總兵岳州鎮曰長江水師岳州鎮總兵官關防漢  
陽鎮曰長江水師漢陽鎮總兵官關防湖口鎮曰長江水師湖  
口鎮總兵官關防瓜洲鎮曰長江水師瓜洲鎮總兵官關防狼  
山鎮仍循其舊副參游都守等官請鑄關防條記字樣另開詳

|   |   |   |   |   |   |   |   |   |   |   |   |   |   |   |   |   |   |   |   |   |   |   |   |
|---|---|---|---|---|---|---|---|---|---|---|---|---|---|---|---|---|---|---|---|---|---|---|---|
| 藩 | 餘 | 年 | 年 | 雷 | 雷 | 項 | 擬 | 額 | 總 | 部 | 飭 | 擬 | 師 | 則 | 關 | 下 | 統 | 人 | 至 | 草 | 荆 | 細 |   |
| 司 | 入 | 每 | 每 | 大 | 岳 | 合 | 字 | 都 | 兵 | 查 | 而 | 汛 | 江 | 日 | 防 | 仍 | 冠 | 易 | 原 | 鞋 | 州 | 清 |   |
| 用 | 款 | 卡 | 卡 | 通 | 州 | 之 | 樣 | 司 | 關 | 新 | 便 | 地 | 南 | 長 | 漢 | 以 | 以 | 曉 | 奏 | 夾 | 營 | 單 |   |
| 者 | 仍 | 各 | 各 | 一 | 一 | 則 | 送 | 關 | 防 | 設 | 通 | 更 | 瓜 | 江 | 陽 | 省 | 長 | 等 | 所 | 地 | 陸 | 進 |   |
| 由 | 歸 | 提 | 提 | 卡 | 卡 | 見 | 部 | 防 | 四 | 長 | 曉 | 改 | 洲 | 水 | 鎮 | 分 | 江 | 語 | 擬 | 名 | 溪 | 呈 |   |
| 該 | 三 | 十 | 十 | 江 | 湖 | 冬 | 鑄 | 四 | 類 | 江 | 其 | 營 | 鎮 | 師 | 則 | 如 | 水 | 之 | 太 | 口 | 則 | 日 |   |
| 省 | 江 | 餘 | 餘 | 蘇 | 北 | 分 | 造 | 十 | 副 | 水 | 干 | 名 | 總 | 西 | 長 | 岳 | 師 | 兵 | 綏 | 俗 | 日 | 御 |   |
| 巡 | 藩 | 萬 | 萬 | 卽 | 卽 | 之 | 頒 | 入 | 將 | 師 | 把 | 之 | 兵 | 湖 | 州 | 兼 | 仍 | 查 | 通 | 改 | 陸 | 寶 |   |
| 撫 | 司 | 兩 | 兩 | 雷 | 雷 | 則 | 發 | 類 | 關 | 各 | 外 | 處 | 官 | 口 | 鎮 | 歸 | 長 | 管 | 名 | 日 | 溪 | 各 |   |
| 報 | 收 | 解 | 解 | 瓜 | 漢 | 見 | 一 | 守 | 防 | 缺 | 委 | 均 | 關 | 鎮 | 師 | 則 | 各 | 海 | 日 | 金 | 營 | 均 |   |
| 銷 | 用 | 交 | 交 | 洲 | 口 | 少 | 原 | 備 | 六 | 除 | 等 | 屬 | 防 | 湖 | 日 | 省 | 水 | 營 | 日 | 陵 | 皆 | 用 |   |
| 俟 | 歸 | 江 | 湖 | 一 | 一 | 應 | 於 | 條 | 類 | 千 | 官 | 周 | 狼 | 總 | 北 | 督 | 師 | 界 | 茲 | 營 | 就 | 均 |   |
| 水 | 甯 | 甯 | 北 | 卡 | 卡 | 於 | 五 | 記 | 參 | 把 | 卽 | 妥 | 山 | 官 | 漢 | 撫 | 督 | 亦 | 提 | 營 | 府 | 本 |   |
| 勇 | 鹽 | 大 | 鹽 | 岳 | 西 | 長 | 省 | 四 | 將 | 以 | 由 | 應 | 僅 | 關 | 關 | 節 | 節 | 連 | 改 | 惟 | 縣 | 汛 |   |
| 裁 | 道 | 通 | 道 | 州 | 卽 | 江 | 各 | 十 | 關 | 下 | 外 | 如 | 二 | 防 | 防 | 制 | 五 | 亦 | 名 | 提 | 口 | 地 |   |
| 撤 | 衙 | 瓜 | 衙 | 漢 | 雷 | 水 | 雷 | 七 | 防 | 官 | 刊 | 所 | 營 | 瓜 | 湖 | 擬 | 省 | 改 | 日 | 標 | 岸 | 之 |   |
| 完 | 門 | 洲 | 門 | 口 | 湖 | 師 | 雷 | 類 | 七 | 由 | 刻 | 請 | 分 | 洲 | 南 | 請 | 請 | 通 | 通 | 中 | 營 | 名 |   |
| 畢 | 江 | 三 | 支 | 口 | 口 | 兼 | 雷 | 應 | 類 | 外 | 鈐 | 准 | 隸 | 鎮 | 岳 | 於 | 各 | 州 | 州 | 營 | 不 | 如 |   |
| 經 | 楚 | 卡 | 水 | 一 | 一 | 轄 | 雷 | 照 | 七 | 刊 | 記 | 其 | 則 | 鎮 | 州 | 長 | 鎮 | 營 | 刻 | 為 | 營 | 則 |   |
| 制 | 總 | 所 | 所 | 卡 | 卡 | 五 | 雷 | 例 | 擊 | 給 | 以 | 更 | 仍 | 則 | 防 | 江 | 關 | 海 | 營 | 汛 | 地 | 名 |   |
| 水 | 督 | 收 | 收 | 安 | 安 | 省 | 雷 | 由 | 關 | 鈐 | 昭 | 改 | 其 | 日 | 湖 | 鎮 | 門 | 門 | 營 | 地 | 之 | 名 |   |
| 師 | 報 | 之 | 之 | 湖 | 湖 | 所 | 雷 | 兵 | 防 | 記 | 信 | 以 | 舊 | 長 | 口 | 總 | 水 | 營 | 營 | 之 | 名 | 其 |   |
| 立 | 銷 | 釐 | 釐 | 微 | 微 | 處 | 雷 | 部 | 十 | 外 | 守 | 歸 | 至 | 江 | 水 | 鎮 | 官 | 上 | 營 | 之 | 名 | 日 |   |
| 定 | 歸 | 其 | 其 | 卽 | 卽 | 卽 | 卽 | 撰 | 一 | 撰 | 撰 | 撰 | 撰 | 撰 | 撰 | 撰 | 撰 | 撰 | 撰 | 撰 | 撰 | 撰 | 撰 |

之後此五處卡員即由江鄂兩鹽道會同該省藩司委員經收  
 自此五卡之外各省釐卡俟軍務大定本應全行裁撤僅有願  
 留一二卡添補永遠經費者由各督撫體察專案奏辦等語戶  
 部查收釐充餉本一時權宜之計惟各省經久之費出入均有  
 定額今添此經制水師一切經費礙難別籌該督等請於湖南  
 湖北江西安徽江蘇等五省各留釐卡一處每年每卡提十餘  
 萬兩以供水師之用岳州漢口兩卡提款解交湖北鹽道衙門  
 收支湖口大通瓜洲三卡提款解交江甯鹽道衙門收支其餘  
 入款仍歸各本省藩司收支等語係為籌餉起見應如所  
 奏辦理其經收委員應令隨時報部收支各款並令江楚各總  
 督按年另行具本題銷至水師既為經制之兵卡釐即為經久  
 之費原奏內僅稱每卡提銀十餘萬兩並未擬定劃一數目難  
 免參差不齊之弊應令該督將五省釐卡每年每卡額提水師  
 經費若干兩擬定確數奏明立案再查岳州等處釐卡究係何  
 年開設何員經理歷年收支款項若干均未據各該省奏咨有  
 案應由各該督撫補行報部至此次酌留之後應令各該督撫  
 督飭藩司鹽道及經徵委員將釐卡收支各款按季冊報毋稍  
 遲延此五卡之外各省釐卡應留應撤應由各督撫隨時體察  
 情形奏明辦理一原奏長江水勇已經臣彭玉麟陸續遣撤其  
 補額缺外所有內江一軍水勇已經臣彭玉麟陸續遣撤其數  
 目業經咨報兵部在案其外江水勇此次奏定補缺一案即將  
 勇目次第裁撤俟撤盡再行咨報等語兵部查長江內外兩軍  
 水勇除內江水勇業已遣撤其外江水勇亦即次第遣撤應如  
 所奏辦理仍俟裁竣後即行咨報兵部以備查核戶部查原奏

內稱所有內江一軍水勇已經彭玉麟陸續遣撤咨報兵部  
 令該督等補行咨報戶部其外江水勇裁撤數目日期應令一  
 併分咨戶部以憑核對勇糧數目此外尚有淮揚水勇一軍太  
 湖水勇一軍原議第五條內另設淮揚經制水師太湖經制水  
 師現已將大概規模議定臣國藩擬於一兩月內會奏定案俟  
 經制水師之案奏定後即將淮揚水勇太湖水勇遣撤陸續具  
 報等語兵部查另設淮揚太湖經制水師應俟該督等會奏到  
 日再行核辦一原奏漢陽瓜洲兩鎮標派船巡緝私鹽茲定  
 瓜洲鎮派巡鹽船三號一年一換歸運使暨瓜洲委員稽查其  
 餉即由瓜洲支發漢陽鎮派巡鹽船三號一年一換歸湖北鹽  
 道暨督銷局稽查其餉即由督銷局支發所巡不遇上下四  
 里不准太遠以防流弊此外戰船一檣不准預鹽務戶部查  
 驗船最易包庇私鹽前經戶部議令派師船一檣不准預鹽務  
 臬另立案茲據擬定漢陽瓜洲兩鎮各派巡鹽師船三號一年  
 一換歸兩淮運使湖北鹽道及各局委員等稽查所巡地面不  
 得過四十里此外戰船一檣不准預鹽務等因所擬尚屬詳  
 明惟原奏內稱所巡上下不得過四十里不准預鹽務等因所  
 並未立定巡鹽地方界限恐江面遼闊里數難以分明仍屬  
 無憑稽查應令將各該鎮巡緝地方界限酌定報明立案以免  
 影射而便遵守其巡鹽之船各就各處領餉一節應照所擬辦  
 理至弁兵包庇私鹽或失察或知情或受賄或通同與販各有  
 本例將來應按照情節問擬毋庸另立處分罪名轉啟遷避之  
 漸等語兵部查陸路官弁故縱私梟及失察私鹽等案各有本

重修安敷通志卷九十八 武備志 兵制

例嗣後長江水師如有故縱私梟及失察私鹽等案應照陸路  
各例分列核議哨官照專管官例議處營官照兼轄官議處其  
應議罪者由刑部核議刑部查漢陽瓜洲兩鎮派船巡緝私鹽  
如有弁兵包庇知情並受賄通同與販例應與犯人同罪及計  
贖以枉法從重論其止失察分別笞杖定例各有所治罪專條已  
極疑明既據該督等奏稱將來遇有此等案件應按照所犯情  
節問擬毋庸另立罪名轉啟遷避之漸應如所奏辦理一犯原  
奏長龍戰船頭破二百餘斤位係洋庄各重入百斤一千斤不等  
四位洋庄各重七百斤位係洋庄各重入百斤一千斤不等  
破一位洋庄各重七百斤位係洋庄各重入百斤一千斤不等  
七百斤不等兩邊轉球小破二位重四五十斤不等此外洋鎗  
烏鎗刀矛之類隨宜分配至戰船旗幟悉以桅旗並梢旗為主  
凡桅上用方旗長龍節桅旗長一丈二尺寬七尺船板或畫北  
旗長九尺寬六尺或畫如節俱用紅色下半節俱用白色或畫北  
斗或畫大極圖或畫如節俱用紅色下半節俱用白色或畫北  
船梢用尖角旗長龍節桅旗長一丈二尺寬七尺船板或畫北  
尺寬七尺均寫明某標某營某哨字樣此外各標各營或畫北  
上添一小旗或船頭設一立旗或寫性號為記顏色制度各  
其便兵部查長江水師營戰船應需槍礮器械等項係防各  
須之件應如所奏辦理應由該督將每船應記軍器若干或由  
何處撥用或須另行添製分晰造具名目件數清冊專案送部  
核辦工部查各船應配職位器械洋槍刀矛軍火等項數目應  
如所奏辦理仍令該督將各項軍械名目件數先行報部並將  
採買製造各軍械應需工料價值銀兩隨時照例分晰造冊送

部核辦一原奏岳州漢陽湖口瓜洲四鎮中軍遊擊營制惟  
岳州漢陽兩鎮用船三十三號其湖口瓜洲兩鎮中軍僅用船  
二十二號該兩營地當衝要不敷分布瓜洲又有應派巡鹽之  
船尤嫌其少查長江提鎮例給生船外各給督陣船板二號工  
部查原奏內稱岳州漢陽兩鎮用船三十三號湖口瓜洲兩鎮  
用船二十三號該營地當衝要不敷分布查長江提鎮例給生  
船外各給督陣船板二號而四鎮中軍之船數亦不致多寡懸  
殊自係因地制宜之意惟長江波濤洶湧各員認真督辦務令  
方足以壯軍威而利遠涉應令飭承辦各員認眞督辦務令  
糧均歸實在不得稍有草率至船隻丈尺做法應令歸人同治  
五年會議長江水師營制事宜案內一體造報以昭畫一至督  
陣船板以守備為哨官本應設立守備十二缺茲將此十二缺  
裁去撥六缺歸湖口中軍營撥六缺歸瓜洲中軍營改爲守備  
各一缺千總各二缺把總各三缺共成十二缺之數與原奏七  
百七十四哨總數相符所有提鎮督陣船板之兵丁由中軍派  
員管轄等語兵部查該營等所撥改撥各缺係因地當衝要不  
敷分布起見且雖以守備額缺開有改爲千把而仍與原奏總  
數相符應俱照原擬辦理以重江防而資分布其提鎮督陣船  
板之兵丁既設不立哨官自應派員專管俾資彈壓應揀選差  
操勤慎材技俱優之員管轄以昭慎重一原奏原議濟江舊  
設之水師仍不裁革不過改歸長江提督節制近來細加講求  
舊營斷不能與新營相合舊制雖名水師而無船無礮官員各  
有衙署新章則水師專以船礮為主自都司以下即無衙署以  
船隻為辦公之所舊制水兵口糧不過月支一兩至二兩為止



新章則水兵口糧月支二兩七錢而官員之俸薪養廉船價亦  
與舊制迥別舊營水兵不習使船放礮等事新章則專重使船  
放礮若將舊營與新營並存則規制懸殊必生舛望若令舊官  
補新營之缺則舟居不慣必難得力再四籌思迄無善策惟有  
將濱江舊日水師酌量裁去如湖北原設之荆州參將營漢陽  
副將營湖南原設之洞庭水師營岳州水師營江西原設之  
湖南湖九江水師營均各裁去所裁之缺副將參將遊擊都司  
等均請兵部另行調補陸營實缺茲將應裁各缺開單等語均由  
省督撫另行調補陸營實缺茲將應裁各缺開單等語均由省  
例參將遊擊都司守備各官有因裁缺赴部候補者人部查定  
後無論雙單月遇有部推缺出不入班次即補等語又奏定章  
程內開裁缺改補人員未經奏留例應歸部銓選除業經奏明  
留省補用者准歸本省補用外其餘各員既無標營可歸應令  
赴部候選等因同治六年六月十四日奉 旨依議欽此  
欽遵在案此次所裁湖南洞庭營遊擊一員江西鄱湖營湖南  
營都司各一員應令該督等給咨送部候選湖北荆州營湖南  
洞庭營岳州營江西九江營守備各一員按照定例亦應赴部  
候選惟該督彙向千把請由該省督撫另行調補其中無舛  
錯並是否專將守備四缺徑留該省另補亦未詳細聲明應令  
該督等查明咨覆再行核辦其湖北荆州營漢陽營湖南洞庭  
營岳州營江西鄱湖營南湖北營九江營千總共六員把總共十  
三員外委共十一員額外委共九員並無選班應由各該省  
督撫遇有陸路缺出即行改補至所稱湖北原設之荆州參將  
營漢陽副將營均各裁去而單開應裁各缺內湖北荆州僅有

直隸志  
武備志  
兵制

水師營守備一缺千總一缺把總二缺外委一缺額外外委一  
缺漢陽僅有水師營千總把總各一缺並未將湖北荆州營之  
參將漢陽營之副將敘入查湖北荆州營本係城守將漢陽  
營原係城守遊擊副將均係駐紮府城陸路之缺並非濱江水師  
奏請遊擊改為副將均係駐紮府城陸路之缺並非濱江水師  
是否原單未經議裁之列及留後仍詳細查明因何前後不符具  
議及原單未經議裁之列及留後仍詳細查明因何前後不符具  
奏到日另行核辦其所裁之缺未經調補以前仍在原省支食  
本缺廉俸戶部查回裁現任武職奉 特旨簡發別省或  
奏請帶往別省或水陸改調候補或裁缺留標另補者均照原  
任職銜支給俸薪等因今舊設水師因不能與新營相合經該  
督等奏明裁撤另行調補查裁撤各缺本係有職有任之員其  
既裁之後未補以前自應查照水陸另調及留標另補之例仍  
給予本缺俸薪以示體恤其各該員弁裁撤節省廉銀及現任  
缺不同應請毋庸支給所有各該員弁裁撤節省廉銀及各該  
員弁另補之後節省俸薪各款均應令各該督撫等報部候撥  
毋稍含糊遺漏禮部查湖南洞庭營遊擊守備岳州營守備江  
西鄱湖營都司南湖營都司九江營守備湖北荆州水師營守  
備既經裁去所有原領關防條記應由各該督撫飭取鐫刻繳  
字送部銷燬至兵丁則竟行裁去兵部查濱江舊日水兵既據  
該督等奏稱以該水兵不習使船放礮等事請竟行裁去自係  
實在情形應如所奏辦理仍俟裁竣後造入年終彙題冊內以  
便查核 一原奏長江水師雖以提督為主而在五省境內應  
各歸五省督撫節制調遣副參遊以下歸本境巡撫節制總兵

並歸總督節制即以湖南而論去太平府提督衙門甚遠若該  
省有土匪竊發須用戰船剿辦者即由湖南巡撫調境內水  
師往剿岳州鎮總兵接列谷徽立帥發兵不可等侯長江提督  
回文致誤軍機湖北江西蘇皖四省巡撫皆然至總督調度轄  
一境水營尤屬通行之舊例平日無事之際督撫偶調水營操演  
操期自調兵調糧兩事而外凡水營政務各督撫仍商之長江  
提督聽候主持等語兵部查明長江水師提督統轄五省上自湖  
廣荆州岳州下至江南崇明水陸延袤五千餘里地方既已過  
遠稽查勢所難周原議所以有兼歸各省督撫節制而日久相沿  
尤恐潛滋流弊調兵調糧兩事關係軍政軍機各領自應徑遵  
該省督撫調度此外如將弁內有玩抗各情及關係地方重大  
事體各督撫聞見較近仍應一面咨行水師提督一面徑行參  
辦以免貽誤推諉其水營尋常照例政務各督撫仍商之長江  
提督聽候主持總須遇事和衷經久不懈庶江防可期永固矣  
有五里以內五里以外之分又有專汛協防兼轄統轄之別今  
長江水師分布江面自都司守備以下即以坐船為衙署本應  
隨時上下梭巡不能指定汛地五里之起訖確在何處擬以哨  
官為專汛之官營官為本轄之官遇有搶劫案件專汛哨官係  
何職名應由該營官指出初參仍照定例四月限滿題參疏防  
專汛官住俸本轄官罰俸六個月二三四等參向例一年限期  
者酌量加重改為各子限八個月兵制

武備志 兵制

任本轄官罰俸一年三參限滿專訊官加重降二級  
 限滿專訊官罰俸一年三參限滿專訊官加重降二級  
 劫數次情事仍照舊例俟三個月限滿犯無弋獲即專訊官  
 降二級調用本轄官降二級  
 庸議統轄官之處分儻能於限內獲犯過半兼獲盜首均准免  
 其參處遵照原奏由提督查明隨時專案參辦如提督遲不開  
 參即由督撫參奏以示江而劫案較陸路尤重請將處分酌量加重  
 查該督等以江面搶劫案件較陸路尤重請將處分酌量加重  
 係為慎重江防嚴做廢弛起見應如該督等所請並參酌陸路  
 失事與海洋失事各例從重定擬應請遇有江面搶劫之案四  
 個月限滿題參預防都守以下五項哨官俱照海洋失事專訊  
 兼轄分巡各官例俸一年二三四參均如該督等所擬各哨限八  
 統巡各官例罰俸一年二三四參均如該督等所擬各哨限八  
 個月二參限滿不獲哨官降一級  
 照海洋二級罰任再限八個月緝拿四參限滿不獲哨官加重  
 重洋二級罰任再限八個月緝拿四參限滿不獲哨官加重  
 二級罰任再限八個月緝拿四參限滿不獲哨官加重  
 及會勘運延不抵銷賊犯令接任官照案緝拿如有一夜連劫  
 辦理其江面獲盜之案亦照海派例議放至營官哨官遇有降  
 革等項事故難任應照例揀派効力候補員弁署理惟不得越  
 級護理亦不得以兵丁額外委署理干把經制外委如有誤  
 行委派者即照陸路越級委署例議處再長江水師既分布江  
 而為某汛以下地方遇有失事即可確指為某營某汛不至臨時推

該矣嗣後漁稅仍歸州縣徵收戶部查例載漁稅江蘇安徽江  
西湖北湖南等五省均有例定銀數現在長江漁船雖歸水師  
編查其稅課仍令所屬各州縣徵收完納以重考成而裕稅課  
該州縣等不得藉詞諉卸該水師官兵亦不得藉端需索包庇  
違者卽行指名參處漁船則歸水師編查以清盜源而一事權  
兵部查漁船歸水師稽查如兵通同漁船窩引盜賊及聚盜受  
營兵高盜例變通定擬如水兵通同漁船窩引盜賊及聚盜受  
職漏信脫逃者營哨官哨官明知徇縱不行查究均照該管官例  
革職治罪如營哨各官並不知情止失於覺察者哨官俱照專  
管官例革職營官俱照不同城兼轄官例降一級調用如漁船  
窩隱盜賊水兵並不知情僅止失於查拏者照一級調用如漁船  
該管官失於稽查例哨官降二級調用營官降一級留任地方  
原奏水師所重者以船為家不准登岸居住若永遠駐紮一處  
則經年累月職船全不移動必至廢弛朽壞相率私造屋宇棄  
舟楫而住屋廬不可不防其漸茲議定江楚各營每逢半年更  
調一次副將與副將之營互調參將與參將之營互調游擊與  
遊擊之營互調每營調居客汛二次駐紮一年又准調回本汛  
一次駐紮半年其互調之或遠或近聽提督等隨時斟酌總不令  
其廢弛安逸依戀陸居等語兵部查該督等所請江楚副參遊  
各營官互調駐紮客汛原防其藉有衙署名目依戀陸居廢弛  
營務原奏水師官兵以船為家不准登岸如違例住岸上者官  
革職革原奏水師官兵以船為家不准登岸如違例住岸上者官  
於就近港汊內可收泊戰艦處所立汛建署亦不過為營汛辦  
公起見前議第十四條內營官既各給有座船二號計已足供

臣參之教直云武備志

兵制

三

居住所立之署應謂作為營中辦事公所仍不准在彼常川居住  
致節守以下哨官相率效尤禁止陸居即所以預防其漸其  
互調客汛時仍按時咨報以備稽核惟查承督緝官員限內案  
犯未獲例不准升調離任今長江水師營官哨官各有承督緝  
之責如遇有勒限承督緝盜案未獲均不准升調離任營官即  
不准其更調應俟獲盜後或展參限滿開報後再行更調以專  
責成而杜規避如該提督總兵將已經失事勒限緝拏之營官  
哨官錯擬保送升遷更調者除將本員撤回本任仍行限緝外  
應將該提督總兵照陸路違例保送之該管上司降一級留任  
例議處如哨官有因另案降革等項事故離任者其接緝盜犯  
限期及議處議敘均照陸路接緝盜犯議處議敘例辦理

同治七年五月初三日內閣奉

上諭前據曾國藩等奏擬補長江水師各缺續陳未盡事宜並請以大  
銜借補小缺各摺片當令軍機大臣會同該衙門速議具奏茲據奏  
稱總兵保專閩大員例應特簡所有岳州鎮總兵等缺應否仍由軍  
機處開單請旨簡放抑或援照廣西右江鎮雲南普洱鎮之例令該  
督等另擬正陪請旨簡放等語長江水師事屬創始該督等請補各

缺自爲因地擇人起見所有岳州鎮總兵員缺著准其以彭昌禧借補漢陽鎮總兵員缺著准其以許朝琳補授湖口鎮總兵員缺著准其以丁義方補授瓜洲鎮總兵員缺著准其以吳家榜借補嗣後遇有該四鎮缺出卽由該省督撫保舉堪勝總兵人員擬定正陪請旨簡放其請補副將以下新設各缺著照所議准以周國興等暫行借補至未盡事宜十條及大銜借補小缺章程均著照所議辦理長江水師所轄江面延袤五千餘里職任所關甚重該督撫等務當會同該水師提督隨時實力整頓期於經久無弊毋任漸行懈弛以重營務而固江防單併發欽此

同治十一年九月奉

上諭彭玉麟奏酌籌水師事宜請旨遵行一摺長江水師控制數省關係綦重彭玉麟所陳四條切中時弊深堪嘉尙提督一缺管轄江面

五千餘里非有智謀閱遠天資忠亮並秉性剛方威克厥愛及操守清廉敬慎畏法難以勝任著統兵大臣及各直省督撫隨時畱心現任候補提鎮以至偏裨其才識足任此缺者卽行密保候旨簡用其各營弁勇有才堪造就仍著責成各鎮將隨時咨明提督及沿江各督撫畱心考察次第擢用不使有用之才沈淪末秩備干城之選軍營以誠樸爲先水師初設均能勤苦耐勞所向有功乃近來竟有修飾廚傳講究應酬等事種種惡習深堪痛恨所有各營攤派名目著永遠禁革儻有仍蹈故轍私立名目卽著照剋扣軍餉例治罪該管督撫提鎮徇隱不參劾者別經訪聞一併治罪以肅軍律長江水師經兵部議定不得撥用別項水師人員定章最嚴近來該管提鎮有意見好濫收外來人員一標至二百數十員之多迨經彭玉麟查閱且有並無其人者營制紛雜幾不可問著照該侍郎所擬提標祇准



酌留三四十員各標祇准酌留一二十員此外概行道撤儻所留各員並有不安本分暨別有嗜好者卽隨時參革毋得稍存姑息各員并用竣後不准再行濫收如有缺出專於長江水師兵勇中拔補水師額兵出缺卽於本地招募藉資得力提督總兵本屬平行長江水師豈容改異卽著遵照定制辦理遇有各總兵所屬汛地員弁缺出卽由該管總兵揀員署理咨明提督請補如提督敘補非人該管總兵亦卽咨明更正以資整頓而杜弊端餘均照所議辦理另片奏請停止水師肄習弓箭以期專習一技等語水師所用本以施鎗放礮爲優劣何得藉口演習弓箭致開陸居之漸著照所請所有長江水師及江蘇新改之外海內洋內河水師均著專演鎗礮毋得併習弓箭該提督隨時操演考拔各缺亦著照舊章辦理經此次訓諭後各該管督撫等務當隨時訪察遇有前項弊端卽行從嚴參辦庶不致

真才廢棄陋習日深用副朝廷塵念東南整飭戎行至意將此通諭  
知之欽此